

寧國府志卷二十五

藝文志

詩下

明

集壘嶂樓

吳原頤 宣城

謝朓高樓今古在令人遙憶晉風流九天露濕星河近六月涼生雷雨收極目山光清界遠盪滌雲氣太虛浮于今幸接循良守後樂筵開每見留

麻姑萬松山

陶安 當塗

松樹連簷翠色多南湖春水淡生波貢家舊宅雲林在明月滿船聽棹歌

宿宣城山家

汪廣洋 高郵

寧國府志

卷二十五

藝文志 詩下

一

委曲疑無路幽深別有天偶披青嶂入得與白雲眠樹密巢歸鳥溪迴響暗泉草堂終夜寂高枕聽鳴絃

寧國溪上

魏觀 湖北蒲圻

轆轤山環水沿泗水繞山鳥啼山翠裏人語水聲間葑屋連溪塢松舟繫淺灣村翁驅犢去溪女得魚還

送徐伯廉歸南陵

釋宗泐

把酒城南道離懷去住同鳥啼紅樹裏人在翠微中山雨添秋色溪雲度晚風倚樓相憶處明日各西東

雨夜泊涇縣

釋欽義

水宿同鷗鷺平沙晚帶船山城寒漱浦溪雨暗蒸烟漁火深秋樹河流淺暮天西風鄉思切千里獨依然

敬亭弔古

芮麟 宣城

輕雲開雨弄春陰好鳥如歌綠樹深欲問山靈招李白倚樓吟斷碧雲岑

贈南陵劉章甫

雷燧 南陵知縣

仙嶺間尋採藥翁草堂留話數宵同要知山下雲深處只是人間路未通泉領藕香來洞口月將松影過溪東求名身在閒難遂明日馬蹄塵土中

賞溪舟中

趙士謙 涇縣

一帶溪光映淺沙兩邊山色弄晴霞披蓑野叟行收網鹿竹家童坐煮茶上水帆依烟外樹傷春人看雨中花何當從此拋塵累學取張騫遠汎槎

崑山夕照

左 順 涇縣

冥色重重鎖翠微淡烟芳草正菲菲數聲鴻雁回晴浦幾處牛羊散夕暉牧笛漸從林下歇斷霞輕出樹頭飛歸來日在高峯上猶有人家未掩扉

水西寺

劉伯大 涇縣

石磴岩巉雲路修登臨直上水西頭鯨龍盡噴千山雨殿閣涼生六月秋二季清吟從昔在累朝宸翰至今留他年投劾

寧國府志

卷二十五

藝文志 詩下

二

歸田日擬共東林結社遊

麻姑道中

孫 茂 宣城

鐵勒青絲白鼻騮乘風攬轡感韶華數聲布穀初啼鳥一樹棠梨半着花往事馳驅嗟逆旅歸期風雨阻還家十年不到麻姑下曲巷深深小徑斜

涇縣

李勝原

古木荒碑對縣門數家烟火自黃昏河流故遶山邊市驛路斜通郭外村烟雨園林梅結子春風籬落竹生孫愁看市井蕭條甚喪亂曾經幾戍屯

胡太守邀飲北樓

江 暉 仁和

小徑紆巖磴幽軒藉石臺披蘿塔月淨引篠檻雲開遠雁來歌席飛泉落酒杯興饒歸路晚不惜漏聲催

九日水西

趙 昌 涇縣

踏破青苔一徑微中丞遊後姓名稀山神再識青驄馬花氣重薰綉豸衣把酒莫辭今日醉登高却憶去年違興闌最愛禪房靜月印寒潭尚未歸

### 送張侍郎大經還宣城

李東陽 湖南茶陵

敬亭山色古城陰萬丈丹梯不易尋地重謫仙題後價天留謝朓賞時心山川代有精靈在草木春回雨露深今日晝遊衣錦路幾人翹首望朝簪

### 因張侍郎大經南行寄題疊嶂樓

有美宣城客曾登疊嶂樓樓因謝公建名自獨孤留萬樹龍鱗合雙溪燕尾流朝光先見日爽氣忽橫秋斗轉簷初挂雲輕棟欲浮簾前無過鳥天際有歸舟明月共千里齊州空九州圓方看鵠舉郊藪識麟遊壯憶周南滯奇思禹穴幽世間無太白千載愧賡酬

### 登城望疊嶂樓

鄧庠 宜章

## 寧國府志

## 卷二十五

藝文志 詩下

三

層城立石磴凝望前仙樓俯檻羃塵淨停驂半日留擁蓋千嶂疊飛練兩溪流鋪瓏黃雲合書空白雁秋麻姑排闥見蟬竦接天浮葱蒨寒林稍微茫野渡舟楫良懷世澤文獻誇宣州忝竊居臺憲巡行愜勝遊霜清豺虎遁月照里閭陶志欲禪龍袞慚無一線酬

### 憶遊翠雲

張綸 宣城

翠雲遙上路迢迢詩酒相從野興饒會後高情猶縹緲別來短髮已蕭條塵冠幾欲愁中脫歲月頻驚客裏銷奔走年年餘病骨山林深處有誰招

### 和張中丞

方如剛 南陵

幽亭翼翼山迢迢幽人撫景興自饒梅花雨濕白雲片柳絲風動黃金條清江若石眼相媚野馬紅塵心已銷久將一拙韋林壑無煩猿鶴來吾招

### 過叢山關

程敏政 休寧

江南江北路迢迢馬上朱顏覺漸凋今日故鄉初入眼叢山  
關下巧溪橋

### 謁梅都宮祠

自從刪述來詩道更幾變騷些無遺聲漢魏起羣彥謝鮑及  
沈宋入眼已葱蒨頽波日東馳李杜出如殿當時多渾成豈  
必事精鍊云胡倡唐音趨者若郵傳坐令詩道衰花月動相  
眩千載宛陵翁惟我獨歆羨翁辭最古雅翁才亦豈瞻獨使  
天地間留此中興卷如何近代子落落寡稱善紛紜較唐宋  
甄收失良賤無乃久浸淫曾靡得真見渺渺歲將夕南來宛  
陵縣頓首升公堂松竹猶眷眷感慨撫陳迹江水一再  
奠我心風景仰我學誠襟線上想三百篇斯境誰復踐

### 翠雲巷九日

崔汝恭

萬里清霜梧葉飛千山爽氣淨霏微吟邊酒送黃花醉望裏  
風寒白雁歸秋水晴沙銜遠浦石門疎竹隱朝暉登高却愧  
無能賦漫惜年華又授衣

### 華陽道中

吳宗儒 宣城

## 寧國府志

### 卷二十五

藝文志 詩下

四

獨攬青絲墨鼻騶撥雲尋路入山家窮崖三月春光到一夜  
東風萬樹花

### 華陽峭壁圖

吳宗英 宣城

轟轟巖崖峭入天洞門珠玉碎飛泉分明憶得經行處尚有  
猿聲到耳邊

### 翠雲菴弔古

吳宗周 宣城

翠雲清勝集別簪歷遍岩巒共醉吟風鶴窠邊青嶂合雨龍  
歸處碧潭深昌黎故里成空寂太白遺墟費討尋忽憶北園  
先祖什野花  
啼鳥繫人心

### 題梅宛溪草堂

文徵明 長洲

宛陵東下碧溪長正繞梅公舊草堂日落敬亭相映帶雲開  
墨嶂浸滄浪苔磯自是供垂釣春水還看着野航誰識照心  
清百尺占泉  
惟有謫仙章

### 梅都官墓

莊 泉 江浦

秋風無廟薦芳馨只有空山一破亭造物屢憎惟疫鬼精魂  
亦可化詩星曲中潁水千年綠門下眉山一點青大雅無言  
堪老我曰頭何處仰孤軒

金鰲

吳寬 吳縣

日上扶桑枝光射金鰲背嗟此寄傲人東軒正相對

獅山

前山一夜雨江村沾盡足曉起望平蕪東風漾新綠

游南湖

殷銘 宣城

平湖宿水沒重堤萬頃連天天更低紅樅雨來雲葉亂白蘋  
風起浪花齊潮回硤石奔還放烟鎖姑山辨復迷庚信暮年  
詩興倍江南何處不堪題

翠雲菴和陳海樵

袁鶴聲 宣城

寧國府志

卷二十五

藝文志 詩下

五

仙剎絕紅塵因君叩白雲石梯緣竹上樵逕入林分地僻人  
稀到溪深鹿自羣定知元妙理得向靜中聞

仲夏與湯定之尋響潭

暑雨園林潤幽探愜遠尋竹深消日氣潭靜落雲陰戲藻魚  
投釣迎風鳥送音始知軒蓋地清切愧中林

對亭菴

峯北名藍不厭遊人來身世自悠悠信知淨土緣人勝翻使  
塵心向佛投積翠滿開山遠戶清風拂坐竹環樓尋常無事  
頻相到每為  
問師半日留

同梅禹金句溪

日將歲月了滄波又向樓船載酒過入夜漸驚秋氣肅中流  
方覺月明多水光潏潏開天鏡空影參差落絳河願得幽期  
常不負與君  
同聽濯纓歌

三天洞

半溪澗洞俯高邱曲逕旁通古佛樓去日維摩孤塔在多年  
狂客有詩留泉穿地壁林常潤寶引天風氣若秋棲息萬緣  
都不染飄飄  
疑駕白龍遊

黃瓜嶺

姜紹同知

正事催人東又西黃瓜嶺上白雲低山出水落稻初熟野店  
門關雜白啼景入新秋猶覺熱行途佳處漫留題旌陽明日  
清戎罷又欲  
馳驅到績溪

過雲門

春老雲門雨歇初梨花結子鳥將雛日長睡醒郵亭亭間把  
書筒剔蠹魚

書吳氏壁

貢欽宣城

宛陵城外野人家路入青山小徑斜出水香芹低拂燕過牆  
弱柳暗藏鴉瓦盆溜雨新篔酒石鼎飛烟灰煮茶更愛主人  
留客久春風  
齊放一庭花

寧國府志

卷二十五

藝文志 詩下

六

南湖晚行

十里南湖路孤舟向晚行潮回沙有跡浪靜石無聲日落川  
光暝雲閒水氣清何年一竿竹於此結鷗盟

麻姑仙女祠

貢鏞宣城

神女乘幽芳采芝入徑纒長笑一決起空山明月中渺哉千  
年後白鶴一回首寧知人間世浮埃縈九有

釣魚磯

仙人坐蒼石垂竿雲外峯朝弄碧海鯨夜戲滄江龍我來攜  
石坐引脰唏清風興豪試長臂月鈎懸秋空

萬松菴

貢汝成宣城

高僧昔遺世築室萬山間虛閣依蒼峭幽軒映清湍松竹夾  
屋生薜蘿縻簷端架閣夜流溪接竹通謬泉徑曲門境清鬱  
環齋宇寒平生有幽尚春言此盤桓神襟坐  
昭爽悠然得真懽回視人間世風塵紫入塹

乾明精舍

嘉樹露紛綠齋宇極清陰曉僻雜草積林幽獨鳥吟元默自成趣豈爲名迹侵夙昔抱孤念妙奇超青真況托茲虛門那復夢華綺浩然與誰期獨此沒冲襟

過行廊宿慧公山

貢紀國 宣城

孤峯斜日逢支遁石榻清風聽白車絕望古藤樓木鶴穿林曲澗走胎鯢江光帶月搖清弋暮色飛嵐出九華坐對沉烟心似洗迂疎我亦欲辭家

公餘感興

胡文靜 南陵知縣

公庭一似野人家更有餘閒早放衙都把籍山西畔地剪除荆棘種枕花

夜歸斗山

楊貞 宣城

數點疎星在半空殘月明人情歸去好詩思曉來清野店雞初唱山村犬不驚到家天已曙兒女候門迎

過寒亭

楊實 宣城

寧國府志

卷二十五

藝文志 詩下

七

行李圖書一舸輕東風留我住寒亭雨餘新水鴨頭綠雲外小山螺髻青

秋夜方齋

姜台 宣城知縣

翛然吾亦漢東方漫對芳時壘酒觴搖落秋容殘碧落微茫夜色入蒼茫久沾五斗慚陶令共笑多愁有宋郎細剪燈花數寒漏西風二十五聲長

遊鳧山

汪堅 旌德

石鳧之山拔南州千狀萬態竝奇幽椎峯筆立中天秀青冥遠攬吳山秋白華仙人遺舊趾靈風颯颯吹香芷下有龍潭千丈深春雷一震興雲雨晴風佳日色更妍呼童攜酒登其巔一聲玉笛來孤鶴萬頃烟花迷遠川却掃青苔坐白石石間歷歷有仙迹吾欲從之不可得把酒臨風三歎息

唐峯

鮑寧 旌德

唐峯之高幾千尺菡萏芙蓉如玉立自雲漠漠宿雨收十里松林冷凝碧千巖競秀秋氣多樵夫竚立心如何採芝何處

歸來晚臨風  
一嘯還高歌

### 遊敬亭因寄王太守

梁柱臣 廣東南海

敬亭何宕窈窕溪流未央烟郊暖漠漠春樹鬱蒼蒼雅志慕  
林壑值茲山水鄉招遊屬良晤延眺開山堂謝公昔為郡茲  
焉寄徜徉紅組兼幽尋風流至今揚遂令賢達蹤韓李躡其  
芳秀句落人間高標樽相望我來千載後懷古意難量蕪祠  
一以眺故蹟悲徬徨何以解中情聊復揮壺曠隱淪悼寂寞  
靈異殊渺茫思控琴高鯉言從竇陵陽恨無凌風翼緬懷雲  
路長寄謝宣城  
守清徽幸不忘

### 高齋效謝朓體

李先芳 同知

平生慨山水白首不知倦  
公亭高齋尚凌緬  
衣撫層觀高原帶平楚  
練晴嵐明復滅幽禽聚  
入吏稀庭花落如霰單  
車苦岑寂緘書布親串

## 寧國府志

### 卷二十五

藝文志 詩下

八

### 高齋雜詩

高齋何所有挺挺松與栢嚴冬被雪霜青青不改色天性固  
所宜地勢亦相迫颯然天風來高枝多反側上有夜啼鳥使  
我心惻惻我將射  
此鳥彎弓焉可得  
榮名豈百年去留輕一葉不見泰山高何心戀邱垤積雨空  
齋寒暮春鳴鶴鳴玉壺注美酒既醉不復輟誰知飲者心乃  
不在麴蘖望中春穀雲山外敬  
亭月所貴知我希從心足怡悅

### 早春文昌臺

一激春水挂城頭百疊遙山帶雪浮地是謝公會作郡人如  
王粲舊登樓松篁隔嶺嬌晴色隔寒連天憶昔遊報道梅花  
消息好憑闌  
不見使人愁

### 硤石舟中

畏薄帶芳洲支江繞郡流潭州宛陵夕山雨敬亭秋  
湖口林喧搗浪頭依依沙渚上人吏待行舟



白雲寺

落日依古寺疎鐘出翠微  
我來黃葉下相伴白雲歸  
羅月開山鏡松風掃石磯  
空門無剪伐薜荔挂衲衣

春初至南陵

行縣及春早梅花都未逢  
羣山爭倚翠落日故衝空  
臘雪藏深竹條風泛古松  
遙望城邑隔水度昏鐘

響山

平生抱奇癖名山每獨往  
驅車城北門羣峯列仙掌  
流影落飛幃忽動紫霞想  
涉江陟華巖玉樹千霄上  
古洞書陰石牆滴空響孤雲天籟發一嘯衆山仰終歲緹塵氛叩此悟清賞

涇川夜雨

寒帷度宛水行縣入涇川  
澤國春雲滿山城夜雨懸  
魚龍初起蜚梅柳暗浮烟  
噉噉雙飛翼遙遙鴻雁天

熙光亭懷羅使君

寧國府志

卷二十五

藝文志

詩下

九

遙從林杪踏空行更上高樓望眼明  
疊嶂飛來雙起鳳閒花開處亂啼鶯  
題詩李白成陳迹化俗文翁有令名  
不分青山依舊綠年年春草伴愁生

水西寺

隔江春色半陰晴二月杏花潭水生  
絕壁千盤蹲古刹寒流一曲抱孤城  
林間爽氣清人骨花蹕春雲帶雨聲  
如此風光輕擲去當年空負賞溪名

琴溪

仙人抱玉琴彈作遊仙曲飛聲落碧湍  
滴滴鳴哀玉

山門靈巖

萬山回合敞天門怪石巉巖虎豹蹲  
古木盡成連理樹暮雲偏傍夕陽村  
鶴歸華表仙難學龍臥寒潭水自溫  
野寺殘僧鐘磬晚林鴉相送出黃昏

漣漪洞

洪鑪巧鑄洞中仙百結流蘇盡倒懸鬼斧何年穿翠壁神龜  
千古鎮丹泉花源細泛雙溪水贈嶺斜開一線天何用臨淵  
徒自羨驪龍此地抱珠眠

經西津渡

烏壑松濤泛翠湍綠陰清晝不勝寒虹橋倒跨西津渡五馬  
如龍水上看

遊獅子巖憶羅使君嘗於此講學

昔聞五馬駐江干獅子巖頭坐杏壇問偈曾遊龍谷寺山僧  
指點使君灘

石壁行

石壁夾崖高插天春陰黯黯噴紫烟兩岸松杉晝如晦飛泉  
萬壑聲濺濺中道三溪水并下萬馬奔騰弩控弦微茫一徑  
爭如髮肩輿一轉一驚骨山雞啼樹鹿成羣驚起樵人採山  
蕨逶迤連亘二十里依稀乍見人烟起祇信人歌蜀道難誰

寧國府志

卷二十五

藝文志

詩下

十

知眼底難如此山中縣長伏道迎負弩前驅簫鼓鳴報道羣  
雄寇鄰境彈丸山縣久無城況復虎狼巢穴地連年荒饑失  
秋成山城不止萬金築山中半是逃亡屋

賞溪

賞溪春水日流漸桃花楊花亞滿枝支頤臥向山頭石閒看  
漁人理釣絲

青蓮居士昔留題題處青蓮開滿溪問遍山僧都不記溪邊  
春鳥向人啼

遊麻姑山

王慎中

晉江

雲出本無心擇棲多奇巖頽予慕真勝涉趣不知遠初緣碧  
澗行幾傍丹崖轉林進去虎蹤澄掛飛猿踐泉流遞淺深巖  
谷變陰顯歎瀑遇流憩石牀時仰偃桂芳洞裏秋霞映山中  
晚探異尋前期入幽忘後反神遊力不稍理愜情俱遣天路  
如可梯欲以微官免

巳酉夏宣城道中作

許應元

教授

水國去已遠旱陸茲方永朝行指墟烟午餉闕田非曲薄蠶  
事歇來牟供積秉丁男與紅女所務良自勉予亦勤餽粥安  
龍厭馳騁微月沉西麓羣壑俊已冥杳藹閒鐘聲幽林隔人  
境且復息微躬明發還耿耿

### 栢視步羅郡侯韻

梅繼英 宣城

佛閣陰陰紫翠間烟霞長伴老僧閒千巖月霽三花淨萬壑  
雲生六月寒

### 山門

梅守德 宣城

雲洞劈何年幽尋此最偏芳襟披宿蔓芒屨破蒼烟觸目欣  
成趣澄懷欲悟元擬分禪院榻一枕白雲眠

### 泛舟響山

溪流泛容與棹棹陟崇阿峭壁懸蒼蘚寒潭漾綠荷城高濤  
漏迴月滿夕光多千古釣臺跡予今來浩歌

### 九日保豐臺同方使君

欣逢佳節共登臺紅葉黃雲望裡開秋色淨憐籬外菊溪光  
遙映掌中杯尊前白髮淵明興樓上青山謝傅懷野客自耽

## 宣國府志

### 卷二十五

藝文志 詩下

十一

忘世趣艱危  
須仗濟時才

### 麻姑山

茲山郡東表嶽峯亘平陸峯頂白雲樓巖際蒼烟宿朝瞻海  
霞紅夕瀾湖波綠負絕塵網搜幽尋豁心目姑仙久不返空  
壇驚麝鹿芸芸欲界中誰能駐雙轂余已避  
世人別足羞獻玉行行歌採芝長嘯振林谷

### 一峯菴

冬日喜初晴籬邊向菊英巖雲沉梵影林藹落鐘聲扣竹坊  
僧夢題門記客名幾年纔一到更覺俗緣輕

### 柏山寺

聞尋古上方落日半林黃亭額猶殘墨碑跋已斷行草深僧  
院榻塵滿佛龕牀往事那堪論雙松背夕陽

### 山口田居

梅守箕 宣城

市遊適不樂移歸南山田田作既已秋獲取三百廛宿酒會  
隣人四座有餘懽藜藿代粱肉澗水出縣紘日夕望原上井

里浮炊烟高柳夾道生溪流澄  
夕源田居信言樂可以終歲年

### 麻姑山

亦有麻姑蹟仙壇在上頭泉分丹井液碑似魯公留雨氣蒸  
雲澗湖光借日浮更疑天路近鶴駕自來遊

### 雨中望嶧山

梅守和 宣城

雨氣層巒盡欲冥殘碑何處覓雲亭行行日斷微茫裏莫測  
浮空遠近青

### 栢槻寺

梅守默 宣城

徑轉千盤入虹飛百丈平巖流驚雪舞谷迥看雲生竹裏一  
僧見峯頭雙鳥鳴幽情殊未已歸路聽松聲

### 翠雲菴

危磴重重絕徑深攀蘿振袂此登臨霞流草樹明丹嶠雲擁  
樓臺出翠岑倚竹香厨山鳥下遶松幽澗鉢龍吟晚烟十里  
歸城路帶得鐘聲趁月陰

### 疊嶂樓月下劉侯讌集

王 畿 浙江山陰

樓前今夜月天意為誰明松影忽倒地山光低向人孔周千  
古夢絃誦萬家聲吏道本元埋朋來無俗情幽蘭滋露馥谷  
鳥感時鳴永言務明德母為塵所縈

### 琴溪

野情隨處只青山杖策荷瓢天地間黃菊石邊和露折紫芝  
林下帶霞餐漁人獨作溪雲伴仙子不來猿鶴閑萬古富春  
風月在釣臺誰復把綸竿

### 春日郡齋書懷

李 默 通判

陵陽三月春事繁草色烟綿鳴鳥喧風微款款蝶侵案日暖  
娟娟花覆園物華客思任流轉清晝孤雲誰晤言五陵然諾  
不稱意臥向山城且閉門

### 高齋宴集同賦

方逢時 知府

雲滿高林花滿臺看花秋盡笑顏開春風不作繁華夢夜色  
頻傳潦倒杯希世我猶嫌有累避喧君已到無懷興來未美  
龍山樂欲賦  
漸非落帽才

### 游巖巖寺

王達 涇縣

年華邁九十靈刹駐藤筇水竹斷荒徑雲烟薄秀峯溪橫半  
折木巖有未飛龍曉日纔窺洞山僧起撞鐘

### 天均閣呈徐司寇

蘇濬

相見各依依相將坐翠微清風徐孺榻繁露董生帷竹影侵  
書帙山光上客衣故鄉歸未得至此已如歸

### 登疊嶂樓

周怡 太平

夏日同登郡閣臺一尊還爲故人開纖纖微月窺虛闕黯黯  
流光度晚杯節近綠蒲驚浪迹坐忘清漏見高懷百年經濟  
歸羣彥樗散  
徒令笑不才

### 同崔侍御泛麻川

## 寧國府志

### 卷二十五

藝文志 詩下

十三

麻川初泛漲新波霽景當如嘉會何鷗鷺翩翩舟外是烟雲  
冉冉席邊多尊當碧浪浮珠玉衣傍青山帶薜蘿儒雅風流  
今勝事詠歸  
隨處濯纓歌

### 九日登文筆峯同崔侍御

風高露下白雲飛石徑穿茅古道微芳席頻移還選勝葛巾  
欲落不知歸瑤川碧岫浮秋色錦句瓊巵遲夕暉更喜山靈  
解留客藤梢  
棘刺尚牽衣

### 熙光樓

青山到處有蘭馨幽徑間行意自清忘我沙鷗常共狎依人  
谷鳥故多情天機滿眼隨侍得世態薰心漸不驚此日照光  
吟弄處諸賢  
端不負平生

### 再泊宛水簡史龍吳三使君

蹇達 四川

畫舫重來日影殘依然蘆荻鏡中看長風忽送孤帆轉積水  
遙生六月寒山擁敬亭堪着屐樓開疊嶂好憑闌相逢尙有

荆高在縱酒  
狂歌且自寬

### 文昌臺成示諸生

朱大器

知府

官閣羣飛萬象開，鬱葱佳氣望中來。雲瞻五色陵陽曉，光燭三階疊嶂迴。郡國不妨留勝蹟，東南從此有高臺。滿城桃李，  
下千樹莫負當年着意栽。

### 疊嶂樓二首

邢貞

高淳

細雨逐溪風，桃花滿眼紅。春光最堪賞，多在此樓中。  
山頭十日雨，水向縣城流。坐見花落去，遙知風滿樓。

### 晚次宣城界

左鎰

涇縣

茲途亘百里，日暮倦行遊。嶺樹侵官舍，山雲覆戍樓。長河歸雁直，寒月斷猿愁。去去風塵裏，孤生不自謀。

### 翠雲菴

陳鶴

紹興

樓禪暫出關，行盡敬亭山。李白今何在，孤雲尚往還。泉鳴青嶂外，花落翠微間。悵望層霄際，高風不可攀。

## 寧國府志

### 卷二十五

藝文志 詩下

十四

### 宛溪

殷登瀛

宣城

小憩尋芳步，孤亭非世情。白沙淨潭影，虛檻納江聲。樹密深交翠，花繁略辨名。一尊如可辦，聊此足吾生。

### 翠雲菴

貢安國

宣城

小閣虛巖畔，迴溪古檜端。朝暉開淨域，秋色在雕闌。花鳥圖書出，溪山水墨看。夕陽賓士罷，聚樂到瑤壇。

### 寄梅宛溪

吳國倫

湖北

梅福尋仙去，不回卜居深。傍宛陵，巖高眠自穩。清冷閣遠，耽當呼濁酒，杯千澗。瀑流桐泖，合萬松雲氣，故亭來廿年。青鎖無聲夢，懷抱真從物外開。

### 送梅禹余北上

汪道昆

徽州

萬仞天都控，上游若提三尺劍。鴻溝齊盟高跨當，牛耳漢塞雄飛屬。虎頭帝里衣冠通，宛洛仙家劍履入。瀛洲且來碣石風，波惡莫向燕關問。湖濶

宣城道中水阻

王世貞 太倉

夜不聞白猿朝不見白鷗忘却下江水錯認懸舟山

題湯泉壁間

羅洪先 江西吉水

何年白日騎鸞鶴踏碎天都頂上雲欲起軒轅問九鼎道衣  
曾侍玉虛君  
紫翠林中便赤脚白龍潭上看青山藥爐丹井知何處三十  
六峯烟月寒

永慶寺古柏

張克家 宣城

江天收片雨鼓柁句溪陰酒對遙山色風披短葛襟采虹浮  
水澗白鳥沒烟深却憶長安陌益遊不可尋

柏視寺

羅汝芳 知府

山徑延溪曲幽意殊可人借此同心侶踏遍蓬萊春

泛琴溪

寧國府志

卷二十五

藝文志

詩下

十五

洞門還溪水石底何清潔白日坐相照悠然太古心  
汎汎漁舸外行行盡水雲不臨仙子窟那識厭塵紛

水陽舟中

汪佃 通判

一簇炊烟暝色昏短籬疎竹數家村逢年田舍渾無事風雨  
離離對掩門

飲澄江亭

袁中道 湖北公安

分沙漏石愛清流泛宅人同練上遊他日有緣來住此未營  
居室且營舟

出宛陵

沈仕 杭州

凌歊臺下泛潺湲棹入澄江三月還兩岸桃花如送客不堪  
回首敬亭山

吾與軒和梅宛溪

唐汝迪 宣城

何事桐江理釣絲天然一鑑碧差差山中甲子無人記每到  
春風自鳥啼

工山削翠

王宏道 南陵

陵陽太白山摩空出層碧丹竈不知年飛仙振羽翼

### 贈浣溪釣隱劉柯

汨汨溪中水行行溪上人乾坤一俯仰萬有隨奔輪有美誰  
家子岸噴垂溪綸溪水日以長溪魚時烹新一尊且屬客共  
醉溪頭春溪雲出溪香溪月印溪小溪鳥如有情載歌溪樹  
杪却疑此溪非尋常浣花故孤來滄浪桐江有線引風長與  
君并洗塵埃賜

### 呂山

汪景南陵

鬢髯垂絲白疎燈對影紅風高驚落葉斗迥仰天空戀關慚  
才拙尋山喜路通何須爭跨鶴土室日安窮

### 玉帶橋

許夢熊南陵

萬丈溪頭起白虹宛然飛渡藉山東孤懸上挽天河水並駕  
中流碧柱峯却遠翠微三匝外盡收春色四圍中山川人物  
如相待會見清時策上公

## 寧國府志

### 卷二十五

藝文志

詩下

十六

### 過太白酒坊

謫仙過日酒初熟此日猶傳新酒坊風度不隨茅屋在山川  
時作錦衣香千秋客到千留珮一歲花開一舉觴莫向斜陽  
嗟往事人生不朽是文章

### 過新酒坊

陳效南陵

策馬經過新酒坊幾家茅屋樹蒼蒼籬邊啄黍黃雞嫩道上  
風飄白酒香古廟尚存唐事蹟仆碑猶載宋文章無由得會  
謫仙子共向花開醉一觴

### 柏林寺

管嘉奎南陵

柏林古寺傍山開古柏於今安在哉過客馬蹄通白鶴遺碑  
鳥跡掩蒼苔鐘分峻嶺穿雲度僧汲寒塘載月回更喜荒齋  
岑寂後香風時送梵音來

### 疊玉墩

錢德洪浙江餘姚



仙人間歲月，疊玉砌成墩。我亦千年客，溪聲月下聞。

### 寄示水西諸生

自別天宮海上來，思君此日講筵開。幾宵晤語風前榻，一曲清歌月下臺。眼底流光真過鳥，人間世味却殘杯。巖頭坐久忽忘去，遙見溪雲天際回。

### 山門

山發千巖秘，門開一洞天。從茲堪却粒，何處覓瞿仙。崖斷路還轉，山空谷自鳴。巖花傳歷日，開落不知名。

### 水西用李謫仙韻

天宮集良朋，軌朝宿風光。臺暮躡秋霜，閣青崖日盤回。白雲互飄泊，俯聆清泉流。坐看飛花落，嗒然忘去路。遺世若隕籜，誰當念道謀。千載同述作，便須共支茅。凌風振寥廓，人生會有期。百年定心諾。

### 水西紀別

查鐸 涇縣

## 寧國府志

### 卷二十五

藝文志 詩下

十七

濟濟青衿士，晨夕聚黌宮。觀摩先德行，文藝非所崇。如何叔季來，正學靡所宗。君獨倡嘉會，發明人心同。威儀儼三代，觀德環辟雍。安得經行久，相率成休風。

### 羅浮潭上晚眺懷郡侯近溪羅公

翟台 涇縣

道人家住水之東，澄潭百尺藏魚龍。披崖日坐望丹邱，羅浮蕩漾涵晴空。乘興泛舟疊玉墩，盤松怪石激天風。徘徊孤嘯若為憐，賦詩把酒思謫仙。謫仙一去數千年，桃花翠碧自依然。古來豪傑不可羈，世態風波倏變遷。何如東溟水萬古，此潺湲有懷有懷返歸棹。蕭蕭夕照滿平川。

### 巖籬洞寺

蕭良幹 涇縣

向來曾賦碧雞篇，忽忽春光又幾年。舊侶半為天上客，新晴重訪洞中仙。懸崖野蔓留斜日，隔竹疎鐘起暮烟。為報山僧莫相避，幽棲吾亦欲逃禪。

### 遊幕山

捫蘿登絕巘，藉草坐層巔。負郭景偏勝，臨流趣更妍。片帆巖底落，萬井望中連。脩視人間世，飄飄欲上仙。

遊藍山

董珪 涇縣

岑寂藍山寺，年來幾度過。星潭橫笠艇，石磴覆新蘿。鶴定僧龕淨，雲間客屐多。酒酣歸落日，清興更如何。

巖潭泛舟

趙霖 涇縣

春水碧盈盈，蓮舟一葉輕。當杯浮岫影，駐棹聽林聲。立鷺排開者，游魚暖落英。荳蘭攀滿把，良慰佩芳情。

寶峯巖

張一鑑 涇縣

夙昔烟霞志，都疑五嶽遊。精神通帝座，身世到元洲。絕巘千尋合，飛泉百道流。登高堪作賦，得句暮雲愁。

晚晴渡賞溪

趙善政 涇縣

出寺雨初晴，溪迴夕照明。柳邊雙鶴白，松際一蟬清。小縣逢迎數，孤舟去住輕。因看灘下水，笑問幾人平。

白雲山

王皦 寧邑訓導

寧國府志

卷二十五

藝文志 詩下

六

贏得浮生閒半日，不妨車馬駐江干。花香入席侵杯斝，樹裏招雲染嶂巒。巒巒風月伴人隨，處處是乾坤。客我望中寬也知，吏隱無拘束更欲頻來盡此歡。

晚宿琴溪橋

曹荃 宣城

聞說佳山水，琴溪第一橋。亂峯飛遠瀑，危石逼重霄。有月難逾嶺，無江儼聽潮。八疆繞十里，窮勝敢辭遙。

汎舟巖潭

王廷幹 涇縣

輕舟弄勝覽，夏日此遨遊。共識青青壘，尤憐芳草洲。飄飄仙客侶，泛泛野人舟。烟樹披雙鳥，風花繞四邱。高巖丹氣積，寒洞碧波流。權疑疑峯轉，帆飛在鏡浮。興迷蘭桂渚，思入鳳凰樓。佳宴含山竹，清歌落水鷗。誓將息世慮，當與白雲求。

琴溪金雞石

琴溪開玉洞，怪石擬金雞。蓬徑何人賞，高賢有晦題。雲巖懸雪瀑，晴壑吐虹霓。應是丹霞侶，還從盤谷棲。

送懷山葉君宰涇縣

徐中行 沂江長興

酒盡高陽白日低，獨攜瑤軫向琴溪。  
春生山郭饒蓮蕊，天遠江城靜鼓鼙。  
趨府敬亭千嶂合，行車宛曲萬花迷。  
寄聲太白題詩處，一夕乘舟到水西。

### 過涇訪王九江

宗臣興化

二十年前讀子虛，茂陵今得謾相如。  
秋來萸菊仍攜酒，病起江山獨著書。  
四海蒼生憂戰伐，中原高士困樵漁。  
武彘有約休相負，歲晚芙蓉日夜疎。

### 咏仙人石

秋風夜渡仙人石，百尺奇峯插天碧。  
我欲捫蘿枕石眠，月明偏醉廣陵客。

### 次王子建遊水西寺

趙睿涇縣

夕照攜尊眺古邱，雨餘新漲賞溪流。  
隔江烟火孤村晚，夾水松風兩岸秋。  
疊嶂千層環寺勝，寒林一帶抱城幽。  
謫仙不盡當年興，誰向名山續舊遊。

## 寧國府志

### 卷二十五

藝文志 詩下

十九

### 水西看桃花

徐開禧崑山

草鞋竹杖趁閒身，坐愛香林遠俗塵。  
樹樹鶯聲頻喚客，郵郵花塢尚留春。  
山厨老衲煨新笋，野渡漁人釣錦鱗。  
覓句慚無供奉筆，相逢却憶有汪倫。

### 山居

汪法旌德

山北山南歲月寬，三公不換此漁竿。  
柴門地僻連天迥，石洞雲深入夏寒。  
當局不爭全勝著，逢君莫作爛柯看。  
浮雲世事何須問，坐對忘機鳥亦歡。

### 山門

王師正寧國知縣

絕壁誰開闢，初無斧鑿痕。  
一龕金布地，千古石爲門。  
掌指留仙蹟，漣漪自剝村。  
東峯良可步，更欲看朝暾。

### 孤墳篇弔宛陵吳君仕期

屠隆四明

城南蕭蕭行人斷，野風吹沙百草短。  
狐狸搗土鬼囓霜，天陰夜夜青燐滿。  
義士一邱托山阿，何人殺之爲與夫。  
鷹耶犬耶

投四荒君魂肅穆靈旗張我來  
酒涕酌酒漿地下同遊陳少陽

### 泛舟東溪

蕭瑟是霜天孤城大野連飛觥亂白日伐鼓動晴川雁叫落  
殘葦魚遊避夜船醉歸乘下瀨寒月已娟娟

### 登敬亭懷李白

青巖合沓見垂藤兩腋天風快一登牛背似分平野濶馬跡  
都入亂雲層朱花的的寒迎客黃葉蕭蕭晚收僧千載謫仙  
呼不起至今  
綵筆尚憑陵

### 送沈少林請告南還

于慎行

山東東阿

鶯燕晴嬌禁苑春冥鴻何意出風塵別來天地多生事歸夫  
江湖尚有人色動彤庭起草日名成黃閣上書辰敬亭山色  
堪高枕下負  
蕭條報主身

### 至日寓南陵

張元忭

紹興

## 寧國府志

## 卷二十五

藝文志 詩下

二十

陵陽館閣報晴鐘長至朝天拜舞同班列兩階渾序鷺光搖  
萬樹擁飛龍青宮已進前星表紫塞還收不戰功雲物不隨  
風土異都將  
書入客囊中

### 元妙觀

詹沂

宣城

城南紺宇是仙都為問仙踪事已徂古殿荒涼龍去否蒼松  
偃蹇鶴來無真人玉簡空幽匣老子青牛祗畫圖未審劉郎  
曾幾度桃花  
開落自榮枯

### 松谷菴

吳伯與

宣城

萬壑松聲亂急湍春深纔聽也生寒霧封茶竈烟千縷雲出  
山腰路幾盤貝葉影翻居士衲蕨芽清共老僧餐猶慚強識  
人間字玉簡  
金函何日看

### 麻姑山

野氣到山重行行煙雨繁竈厨新煮藥壇鶴舊應門雲益松  
陰傲鳥忘佛座尊前溪飄遠塔疑是別朝昏

北樓夜月

高齋今夜月輝映似南齊白轉苔前露清分郭外谿樹遠城  
墨細鳥宿約磯迷詩酒淋漓意飄然憶隴西

遊白雲樓

蕭良譽 知府

河門深處見丹邱近郭那知此勝遊喬木駢羅封絕巖危臺  
岌嶇俯長洲雙峯檻外聯珠湧小舸橋邊一羽浮眺望不窮  
山色曠登臨  
還為白雲留

同梅季豹諸子遊廣教寺

高維岳 宣城

向晚尋歸路茫茫翠欲迷會心偏勝地洗耳愜清溪酒泛吳  
船小歌殘海月低相看無限意共醉為君題

泛雙溪

沈懋學 宣城

河朔風流會扁舟引興長清歌留晚照霜筆戰秋陽烟遶芳  
林濕花飛錦纈香人生誰暇日且一酌溪光

移疾歸止翠雲菴

寧國府志

卷二十五

藝文志 詩下

三

多病凋華髮幽溪愜素心片雲歸鳥疾孤徑落花深座攬千  
崖色蒼雷半壁陰浮生僧共話山月墮珠林

南湖小崑山

周原迥列岫片石湧南湖水國雲常冷漁舟月自孤臥龍丹  
壑杳浮鷓碧天俱坐對波光夕悠然醉玉壺

麻姑山

仙人馭孤鶴何處訪方平野鳥窺山寺殘花點石杯雲根丹  
竈爛斗氣劍池橫夢隔青霞侶空邀五舌生

重過道甫叔山居

梅蕃祚 宣城

谷口子真宅松蘿境自偏當窗懸衆壑隔樹見飛泉送客柴  
門下尋僧野寺邊時時來取醉人道竹林賢

秋尋入柏枧

梅鼎祚 宣城

沿溪一徑斜黃葉滿貧家斷壑飛晴雨微陽隱暮霞逢僧穿  
薜荔畱客薦茶瓜杜若山中老吾生未有涯

九月八日城東樓晚眺寄史使君姑孰

落葉來鴻秋可憐孤城晚眺正蒼然向傳李白題詩處重見  
元時在郡年霜後鳴砧千戶月風前哀笛一江煙倚闌却憶  
龍山會誰共  
黃花插酒邊

### 移家敬亭莊

敬亭看未厭況在戶庭間謝李曾遊地巢由不買山遷居擬  
赤甲攜婦損紅顏舊業成東陌時時獨往還

### 九日同焦素臣諸子遊響山

輕舸信水便重九值晴難山氣碧雲暮潭陰白日寒草數諸  
客坐菊益老人餐薄醉猶餘健登高興未闌

### 宣城內史行

東南天狗忽墮地轉憶咸和年間事晉朝養將如養虎掉尾  
耽耽反相制宣城內史鳩義兵五表陳師出有名警若鷹鷂  
逐鳥雀臨危豈得顧其身脫身轉戰湖山下頸血濺天天卻  
賭客豪野死諒不葬驚馬徘徊在中野卞公廟食帝城圍湖  
山亦祀桓茂倫丈夫行藏各自取眼底  
區區何足論君不見歷落欽歎可笑人

## 寧國府志

### 卷二十五

藝文志 詩下

三

### 集文昌臺

經年臥病楚江濱此日登臺強對君檻外禽聲交夏木樽前  
山色換春雲浮煙萬井孤城遠落照雙流匹練分但有濁醪  
須共醉敬亭  
回首憶離羣

### 春泛雙溪

負郭雙開鏡凌春共放舟古今雷勝跡觴咏屬清遊山翠驕  
晴照潭煙澹夕流翛然來往意真覺近滄洲

### 翠雲菴同許國忠

誰能獸命山中駕憐爾同耽物外情行傍高林雙鳥下坐憑  
孤閣片雲生年光暗識丹楓暮笑語偏從白社清曾是支公  
舊門客未甘  
邱壑易替纓

### 永慶寺

寺近秋齋路不迷晚鐘頻度石橋西水清蓮鉢窺龍影雨積  
深林散虎蹄狎鳥穿窗分佛供閒雲出榻伴僧棲亭亭翠柏

强千樹今古  
遊人幾杖藜

### 還莆上簡諸宗

何事經年始一歸竹林茅屋尚依依貧思善後鄉居好老悟  
從前市隱非臘雪凍除芳徑草春風吹長故山薇歲時簫鼓  
東山近者舊  
相從願不違

### 工山

白雲飛去又飛還萬壑千巖指顧間天半芙蓉爭削翠案頭  
一點是工山

### 玉龍橋

百尺飛流百丈峯鏡中螺黛寫重重秋來半落明河水十二  
銀橋鎖玉龍

### 西溪積雪

溪流春穀淨纖塵玉樹森森欲照春皂蓋好從西去問雪中  
高臥豈無人

## 寧國府志

### 卷二十五

藝文志 詩下

三

### 贈宣城詹侯督學南畿

梅鵬祚 宣城

才子聯翩擁絳紗看君詞賦已名家一尊燕市畱今雨片語  
吳江散彩霞驄馬曉分丹闕色綉衣遙借白門華敢憐桃李  
盈盈好半是  
河陽縣裡花

### 宛陵夜發

王思任 浙江  
山陰

宛口下孤舟青山夜更秋月中人不寐天外水空流官火分  
漁店僧鐘起鷺洲平生幽隱意只看大刀頭

### 開元寺浮圖

湯顯祖 江西  
臨川

對坐芙蓉塔延觀柏視雲青霞城北湧翠漱水西分嶺樹疑  
嵐濕巖花入暝薰風鈴流梵響玉漏自聲聞

### 寄林南陵

日飲朝霞春氣開陵陽仙合築亭臺至今五色丹泉上猶似  
吹簫白鳳來

### 黃池舟中夜坐

許宗魯 陝西

雨意欣初霽秋光覺漸殘橫江零露重垂夜衆星寒客久愁  
偏劇交深別更難遲明一解纜煙水思漫漫

### 宛溪泛月

海月光仍滿溪聲靜不流瑤華翻錦席素影漾仙舟酒對江  
湖晚風鳴蘆葦秋吳歌遠相答牛渚興悠悠

### 宛溪春泛

彭 渠 宣城訓導

孤帆城下放一棹宛溪深豈為乘桴意空懷泛斗心暗雲開  
野嶂片月照寒岑獨有懷人意林間聽好音

### 東溪納涼

徐夢麟 宣城

夜雨漲山城孤舟抱岸行石梁疑漢落草閣人溪平煙靜魚  
從躍人聞鶴自鳴披襟幽壑意風日好尋盟

### 廣教寺

真界開黃蘗千年塔並存松風生絕壑蘿月掩額門覓碣驚  
棲鴨聽經立老猿誰能回地軸鐘磬落幢幡

### 前題

吳伯敷 宣城

## 寧國府志

### 卷二十五

藝文志 詩下 三

春暮虎溪東雲林謁遠公烟霞浮雁塔棟宇起龍宮落日孤  
峯照寒泉舊井通倚然一室裏跌坐得心空

### 明鏡菴訪方爾止談長益

徐 淑 宣城

夾水逃禪院幽探逐徑移艱難來舊友邂逅得新知野樹  
花少山雲度浦遲翻憐謝與李同調不同時

### 題石臺

湯賓尹 宣城

鸞鶴靈巖石峩峩碧洞開拂雲尋隱逸或石間蓬萊湫暗蓄  
魚出山深老鶴來猶伴心已醉不覺月西三

### 黃山雜咏

蘭蒲列席屑榆香黃帝開天古道場當代聖人尊聖母紫泥  
新勅賜慈光  
費池竹杖雨三條摩盡青天萬仞高纜一攝身身界濶齊州  
點點在秋毫

### 三天洞

寂歷雲層屋玲瓏轉密巖遙天開玉鏡絕岸度雲帆地肺風  
常宿山頭日欲銜石重烟絮絮樹立草薶薶乳借仙丹和崖



驅鬼斧剗徑穿憑燕繞沙沸覺龍僂鐘近清禪寺花飛點客衫慚余走牛馬紀跡不成函

### 遊柏規

崇巒薦似小城埠置產高原置屋低溪鼓共喧丁字水山更頻報午衙雞茶槍盛長連旗放竹子新生與母齊一枕羲皇清到夢風牕石榻任君樓

### 送管五陵奉使南還

把袂同當遇帝初彈冠此際意何如還誇漢節承新寵豈為吳歛返舊廬送別一聲杯底淚寄回千里夢中書近來心事憑君語狂病仍銷蠹字魚

### 過閒雲菴

久約到招提春遊其杖藜不辭山路北來向竹林西遠岫封殘雪疎籬帶淺泥十年曾過此回首負幽棲

### 開元閣

沈有則 宣城

## 寧國府志

## 卷二十五

### 藝文志 詩下

二十五

一聲秋雁欲摩空此夕歡娛四海同萬井人煙籠竹外千山雲氣入杯中浮圖影臥三更月清磬聲傳半夜風總為明時珍草履故令尊菜憶江東

### 柏規

梅士勸 宣城

八年直一到山色尚蒼蒼勝地呼停騎佳遊夙裏糧虹梁飛木杪雪巖 崑光昔日題詩處藤蘿幾處長

### 塵嶺

梅士元 宣城

巖嶺破秋色穿雲得午陰松關過騎緩竹逕避塵深老衲歸農社微風出梵音家園行不遠只隔最高岑

### 禮開元塔

張大謨 宣城

峯地峯雲湧碧空何年卜築此禪宮蒼山翠滴孤壇外古樹陰森別院中梵唄細傳諸界靜佛燈遙映一枝紅欲尋小杜題詩處故老誰憐大惡風

### 翠雲菴

張應泰 涇縣

萬峯搖落散氤氳半壁危樓倚翠雲太守憑高先載酒諸公  
乘興總能文笙歌座沸禪驚定蘿薜衣牽日欲曛歸騎江城  
重悵望層岡  
台杳路難分

### 幕山示左彥貞

萬里南天保障哉指揮如意獨登臺月明劍氣巖猶動雲鎖  
兵符石不開已識將門多異種縱觀遺壘歎雄才怒濤忽送  
前峯雨疑是  
當年鐵騎來

### 泛舟敬亭懷詹邑侯

湯 毅 宣城

蒼蒼烟樹敬亭秋攜客重登最上樓夜靜剡溪思獨苦一天  
寒月照滄洲

### 南山松徑

葛逢暘 宣城

滿徑青松人跡稀空山寂歷暮煙微樵童更在雲深處一笛  
長歌帶月歸

### 望華樓

沈堯中 南陵知縣

## 寧國府志

### 卷二十五

#### 藝文志 詩下

三

陵陽自昔稱三輔疆域袤延吳楚間坐鎮崇臺懸北斗憑虛  
高閣對南山屏開雲帶秋光遠簾捲芙蓉夕照閒遙憶子明  
垂釣處烟霞  
猶自鎖元關

### 白鵲樓

危樓百尺稱雄鎮靈鳥徘徊瑞氣濃東向時因知大歲南飛  
端為挹薰風光搖碧漢銀為縷色映瑤池雪作宮莫向漢庭  
希爵賞從來  
學製愧無功

### 靈雉臺

十里山城遠澗開崇臺危峙紫雲回花封露湛青槐合粉堞  
風微白雉來北望神京依玉斗東懸文筆聽春雷太平盛世  
多奇瑞喜見  
祥光燭上台

### 飲張春宇山園

管 橋 南陵

城頭山色淡晴烟高閣追陪興自偏三選黃花秋未老百年  
白社句誰先殘星半落空尊酒明月全低欲曙天此夕同遊

爭作賦德星  
不數聚當年

### 涉園卽景

劉有源 南陵

幽樓小築傍溪隈  
選勝漳淮迥絕埃  
兩派遠從山澗落  
一泓近抱草堂來  
波搖林樹光逾綠  
岸度行人影倒開  
曠絕橋頭深夜月  
移情恍惚向蓬萊

### 清弋波光

方海 南陵

長江渺渺界西東  
縞紵波光弄小風  
疎月迥搖千頃白  
落霞平散一川紅  
客行舟楫如天上  
人鑑形容似鏡中  
最喜澄泓清見底  
塵纓欲濯有誰同

### 蘆渚

施善教 南陵

秋水澄清映碧空  
芙蓉零落彩雲紅  
數聲野笛橫牛去  
吹遍蘆花兩岸風

### 登幕山

鄭一元 涇縣

## 寧國府志

### 卷二十五

藝文志 詩下

二十七

聯鑣遊寶地  
意氣何翩翩  
隨山鳥迎人  
美巖花對客  
鮮鐘聲來古剎  
塔影入諸天  
到此諸緣靜  
凌風我欲仙

### 琴溪卽事

胡世及 涇縣

一水界蒼煙  
秋空漾碧漣  
虹橋橫古壩  
猊座踞飛泉  
屏燭全邀月  
揮杯直問天  
塵情無自累  
對此一蕭然

### 題水西寶勝寺

曹谷 涇縣知縣

賞溪西畔給孤園  
帝子歸依不記年  
泐磬敲雲龍臥醒  
蘊臺講月鳥飛還  
五松護護空遺事  
萬井蒼蒼鬪暮烟  
斗大江城梅落盡  
欲看春雨足山田

### 杜遷古城

何應珪 寧邑

孤城百雉一朝傾  
刺有嬰城杜宰名  
黠黠平原遺野燒  
蕭蕭空谷動秋聲  
女牆刊落棲禾黍  
軍壁消沈長杜蘅  
欲訊當年興廢事  
寒煙一抹數峯青

### 宿蜀洪嶺

王鎮 寧邑

星軻日盡短長亭石路崎嶇此暫停山插萬重高似蜀水盤  
干折湍於湮煖風香入桐花白宿雨新抽麥穗青南去茲巡  
何所補星華  
深愧古遺經

### 春遊洞門寺

仙克謹

寧邑

洞門深鎖石嶙峋洞水花流洞口春題句鐫畱誰氏子桃源  
迷後問津人

### 人日宿蟠龍舖

姜一源

寧邑

雲消水漫小橋深入日蟠龍思不禁柳欲窺春初放眼梅因  
結子尙畱心坐嫌酒病常辭飲無奈詩愁暫費吟試剔燈花  
追往事獨眠  
端不愧寒衾

### 宣州歌

王廷相

寧國  
知縣

強半峯巒帶碧流行人猶說古宣州夢懸日月青蓮賦獨占  
江山謝眺樓

### 晚泛雙溪

## 寧國府志

## 卷二十五

藝文志

詩下

三

返照懸層嶂蘭舟夜岸開濃花齊露晷曲水泛行杯抱影雙  
鳧下迎人孤鶴迴官閒饒樂事何必問蓬萊

### 港口舟行

開船打鼓碧雲裏客子遙趨下港灣宛轉千峯倚天際分明  
一水落人間蕭蕭雨孤帆展拂拂春風錦纜閒谷口桃花  
迷處所杳然  
疑入武陵山

### 縣齋閒居

竒窈高齋靜心情花木餘蒼岑入崇牖紫靄映虛除綺麗春  
花滿笙歌黃鳥初安仁厭苦調隨興復閒居

### 遊近郭溪山

逐客勿多歎今來佳麗遊山藏吳子國江擁謝公樓飄酒紫  
霞賞風流白符謳不須問幽緬吾道卽滄洲  
近山奇絕處瀟灑此攀躋已歷翠微盡空懷隱遁棲瀑泉喧  
上蘭竹樹暗中溪日暝蘿烟合歸途悵欲迷

### 寧國紀行

石子團團團溪水清春來隨處棹歌聲行人不是風塵客山鳥

山花何限情  
河瀝溪頭伐鼓聲五湖渡口夕陽明怪來畫舸如飛去一百

八灘春水生  
歎水遙從人上來飛流一道萬山開凌風直欲乘槎去看盡

東溟始却回  
耐可龍樵三丈石行人二月吃驚瀾黃河亦有中流柱蜀道

空聞灩澦灘  
盤空右障峭天門雲霧龍蛇互吐吞梅雨千峯一時下何如

巫峽暮濤翻  
巖籠洞寺  
王廷極 涇縣

落花流水路初通共繫孤舟到峽中草徑尚餘二仲跡竹林

重有七賢風雲飛半榻春山曉雨洗諸天古洞空細咏碧雞

篇自別同遊  
今盡在崆峒  
淨居寺看荷  
劉芳顯 宣城

荷事應當罷遲吾尚有花氣幽雲與淡香重日將斜隔岸疑

歌院逢僧是酒家畱情在秋水歸去讀南華  
二九

寧國府志 卷二十五

藝文志 詩下

敬亭寄吳湯日

嶺上一片雲惜君未持去昨夜過松梢不識歸何處

辭黃山  
黃道周 漳浦

交臂遂相失徘徊霧雨中悲猿如葉類笑容不從容  
亦是吾家峯神物不可譜頂髻在眸眸一一屈指數

思黃山

丹砂峯下煉魔堂千輩緇衣遶法場勝事會須消歇過空山

殿宇自清涼  
筍蕨茨菰庸福多馬蹄空復睨青莎乘涼一洗温砂水不爲  
身輕欲醉痴

喜邢孟貞至宣城  
葛 貞 宣城

石湖新葺畫陰陰謝朓城邊芳草深四海兵戈仍見面百年

尊酒細論心平蕪燕子風初下野寺桃花日共尋莫謂亂離  
今又甚溪山  
及此可閒吟

仙源道上望黃山

毛鳴岐 關中

六六峯頭一望奇，羣峯面面向城披。輿圖曾誌新安舊，不到仙源總不知。

題煉丹峯

焦本心 太平

翠壁丹崖隔世塵，軒轅曾此會仙真。丹凝金鼎功成日，天地一爐都是春。

遊清潭峯

程孟 太平

峯頭瀑布飛霜練，峯下清溪躍錦鱗。應待桃花三月浪，却驅雷雨上天津。

遊望仙峯

黃帝乘龍上玉清，綵幢珠蓋遠來迎。羣臣攀戀龍鬚墮，岸畔長年草自生。

無名氏

一峯高起勢崢嶸，上出層霄接太清。下有靈源流亂水，水中長見白雲生。

寧國府志

卷二十五

藝文志 詩下

三

松林峯

磊砢千章碧，漢中清高不受大夫封。幾株偃蹇巖崖裏，猶似當年挂老龍。

丹霞峯

人言峯頂是仙家，四季常開紫木花。玉女樓中裁錦段，亂風吹作滿山霞。

疊嶂峯

轟轟排空翠，作堆雲收烟斂。錦屏開軒轅，曾吸龍潭水。依約還聞玉珮來。

水簾洞

珠簾費巧水晶裁，萬古垂垂濺碧苔。幾度月鈎鈎不上，倩誰妙手捲將來。

九日登文筆峯

崔涯 太平

扶杖追歡坐夕陽，老懷還借酒為狂。萬山空翠霞連鶩，一派寒聲雁叫霜。戲馬荒臺延景好，龍山破帽戀辰良。踟躕古意

思何極潦倒  
秋亭且北鶻

### 三府會館

沈 資

路轉溪迴覺嶺長青驄穩步看山忙風搖竹影和雲合鶴踏  
松花帶露香白簡正飛霜外意青蛇不逞袖中章明朝停我  
輶車處水色山光又一鄉

### 壘嶂讀青蓮詩碑

王公弼 知府

入暮山容紫秋雲淡野空虛窗來遠岫遺碣走長虹有地隨  
栽竹無人自倚桐披風對明月懷謝更懷公

### 遊黃山

柳月礪 太平

出門石滿溪度溪石當路平生歷崎嶇至此當緩步外物不  
可必險夷隨所寓好山觸石來倚仗費三顧

### 遊紫薇巖

李 湖 寧國縣丞

捫蘿直上紫巖臺巖側飛花拂酒杯試問羽仙何處去洞門  
石磴鎖蒼苔

## 寧國府志

### 卷二十五

藝文志

詩下

三

### 女兒山

余鷗翔 兵備道

綽約長鬚冰雪顏舞衣時共白雲閒相期毛女不相待采藥  
于今猶未還

### 敬亭晴雨

張慎言 知府

雨奇晴好盡人知却喜將晴乍雨時嵐氣欲侵風更轉倦雲  
半壓岫如歛情文殊愧酬元宰天地居然是幻師林杪浮烟  
烟際閣有人倚閣亦何思

### 宿蜈蚣渡遇雲

邢 昉 高淳

此夕離家宿淩迷煙浦間如牽飄白雪到眼失青山節換新  
鑽火天寒舊旅顏更聞瀨寇盜祇在落篷灣

### 赴戍宣州

姜 垓 萊陽

垂死承恩譴天威咫尺間荷戈荒徼去收骨遼江還哀職猶  
思補龍髯竟絕攀橋陵千滴淚獨在敬亭山

### 客宣城作

楊柳依稀在相看一老兵百年封事意萬里瘴江情路轉雙  
羊迥樓高兩水明憑將踪跡去未解此平生  
何事緣源去悠然路轉冥竹林黃蘗寺風景謝公亭湖草水  
全暗江天山更青滄洲吾意遠白髮况星星

前題

野浦飛花接石關百年心事北樓間乘舟弄月歌仍哭破帽  
單衫往復還莫向此生嗟白髮好為吾骨買青山石金當代  
推名碩弔古  
臨風淚欲斑

過青弋江作時赴戍宣州

垂老天涯夢遶期歲月長可堪江在此誰問客投荒斷嶺寒  
鴉盡顏崖古木僵荷戈還獨去生死白雲鄉

同邢孟貞過梅谿

葛明會 宣城

不到梅溪久春山舊此堂和風舒藥甲暖日照茶槍雙鶴何  
年去新松共我長未堪思往事臨眺暗神傷

三天洞

程大志 新安

宣國府志

卷二十五

藝文志 詩下

三

洞門青桂合落葉半蒼黃綠壁日來淺銜山風入涼小鳥下  
藤戶冥蟲喧洞房空聽雲水響疑是鉢龍降

墨嶂懷古

余 颺 宣城 知縣

宣城太守舊風流懷謝還登古北樓何事獨孤題墨嶂南齊  
殘碣至今留

秋集玉山

陳 祐 宣城

幸得寒公好詩篇茗椀供千峯雲影外萬籟磬聲中古剎從  
金碧疎林賸紫紅但愁明日別出處又西東

敬亭羣猊菴

咎 質 宣城

泉脈細不斷蜂房喧自開馴鳥棲古塔暖唯辨香臺樵子穿  
雲去山人劓藥來晚霞紅片片彷彿近天台

登敬亭額珠樓

孫 烈 宣城

高步躡層巖山川襟帶前聞雲頻度嶺渴鳥數窺泉霧氣飛  
清檻風光落綺筵日沉山欲暮樹樹遠疑烟

過石佛菴

沈壽民 宣城



狂將矜屐力老益得山情依岫看雲出遲僧杖虎行松訪憑  
臥石溪語雜歌鴛便欲忘歸去暝烟天際平

### 訪姜如農先生城北

石公嚴遣後又見荷戈新曠代畱遺直殘山待老臣龍歸天  
上馭環賜夢中身生死昭亭路鄉園別自春 御史石金嘉  
靖中以諫止醮祠  
謙成宣州原注

### 山門

是門何代闢巨手駭神工壁掛鴻濛色人疑石室中羲輪曾  
未入謝屐竟誰同不見瞿矧客千年獨樹紅

### 卽事

沈壽堯 宣城

幽樓知久客日暮起啼鳥橋實寒猶在梅花凍欲無聞鐘山  
寺遠聽雪夜燈孤賴有牀頭酒長吟可不沽

### 柏觀山

得路尋幽寺雲深刺幾僧瀑飛晴帶雨林昏晝明燈石壁猶  
懸竹山橋半倚藤十年曾有約何意共君登

## 寧國府志

### 卷二十五

藝文志 詩下 三五

### 三天洞

百丈懸龍窟千年臥石巢暗泉通地脉高鳥出雲梢栗共枕  
把賦梨同橘袖包秋林黃葉裏僧影過山均

### 過三溪

百折疑無路層陰別有天人家門倚竹野市驛爲屢流水俱  
能確高山半作田自憐慚野老深谷不知年

### 送徐乾若還宛兼訊余使君

陳子龍 華亭

夜來梅雨漲前溪彩鶴離樽強自持此後相思夢寐莫迷  
三洲過橋西  
宛陵山下謝公亭羨爾高齋畫尙局退食公餘人散後一杯  
送對數峯青

### 翠雲菴

釋果斌 天界寺僧

碧眼頭陀住翠微四簷松竹冷相依禪堂盡日無人到惟見  
閒雲遶座飛

### 竹塘橋

管一驥 南陵

山邊行路古竹外石橋斜水漲尋他岸烟橫隔幾家千迴旅店月一片牧歸霞興到思沽酒無錢倘肯賒

響山菴

趙崇禮 涇縣

綠田穿野杖精舍解煩襟行鉢孤僧出垂簾古佛深靈禽傳半偈鐵壁面千尋獨影還幽絕何須對道林

接引松

周 鏞 金壇

兩山如截一松安擲杖飛行風日寒亦有無心求接引峯南峯北對相看

雙溪草亭

施 晉 宣城

何處好風至亭前春水波虛檐巢翡翠幽窟俯鼉鼉山瀑通厨近藤花昔日多枕書成臥隱翻厭榜人歌

華陽尋高峯寺

訪勝尋高地蘿深逕屢迷崖交雲抱木山轉石懸溪草色侵天碧松枝倚日低磬聲何處落仙路想招提

閒雲菴

麻三衡 宣城

寧國府志

卷二十五

藝文志 詩下

三

蕭然一蘭若坐愛片雲閒風竹坐聞響月梧時照顏呪泉龍入鉢采藥虎窺關誰是忘機者芳晨數往還

春興

二月春雨歇春流始到門叢筠連晝暝新燕掠波翻山靜鹿無迹林香風滿園中原多轉戰幾處欲招魂

玉山寺

沈麟生 宣城

舊有東林約遲來負勝遊亂流當寺午疎竹閉泉秋蕉葉書常滿松花飯可畱相看憑慰藉詩伴有湯休

擬太白登謝朓北樓

張若羲

孤城一眺望平楚正萋萋春穀流泉暗陵陽落日低寒雲隨宿雁暮靄失前溪坐嘯懷人遠狂歌度水西

洗藥溪

焦雲壑 太平

紅泉聲裏獨徘徊黃帝親曾洗藥來恠底餘香至今在四時芝朮有花開

永慶寺古柏

萬時華 江西 南昌

老柏根如石荒臺影自搖威儀參古佛晴雨認前朝頂禿難  
巢鶴枝枯欲帶潮將軍歸戰馬鱗鬣夜魂招

### 白雲山居

釋音住 寧邑

曲巷門深閉頽然一散廬坐披將壞衲聊展未看書  
蘇壁青當席藤梢綠刺褫年來幽討熟身世并教疎  
落日憑虛檻西風襲布袍人烟團渡口鳥語碎林阜雲影當  
秋薄灘聲入夜高禪流無砥柱瀾倒日滔滔

### 國朝

### 山門偶成

陳周政 知府

入門那見此門庭乍入神魂已杳冥洞鎖幽雲通鬼谷  
湫鳴清瑟隱湘靈竒花別作三春紫怪石長留太古青  
欲學中郎操五弄哀猿之外復誰聽

### 送施少叅還宛

龔鼎孳 合肥

敬亭烟景好早信倦飛還出似王猷舫歸餘謝朓山川  
崖留勝蹟仕隱界微閒了不看除目柴扉任意關

### 寧國府志

### 卷二十五

藝文志下詩下

三五

### 北樓懷古

張延世 宣城

陵陽迅起春穀瀉排空結構寒烟下綠窻丹檻捲朝霞  
坐嘯猶傳及休假漏稀吏散鈴閣靜燭酣話狎聞春聲  
名流紆組等幽棲駘蕩翠嵐眇野馬江山韻事不泯滅  
餘景留俟詩豪寫撫時觸物感嘆多吟情孤竒和者寡  
遂令流傳詫竒絕千年遙望兩風雅齊唐父老盡銷沉  
今古悠悠幾冬夏物代變換已陳迹章臺莫覓草間瓦  
徒道編冊待後賢憑吊臨風足灑灑

### 暮雨宿新河庄

岸草覆春波烟帆此地過水村迷欲合野色暝無多  
旅夢難憑枕漁歸雨脫蓑叩蓬覓歸處津吏不須訶

### 送客黃山

百丈危峯霞作梯倏然脾板許誰攜青鞵布襪渾閒事  
白石蒼松好命題應有猿吟知客到儘教鹿過引樵迷  
饒君逸興誇豪俊五嶽真圖掛杖藜

一峯菴

張金度 宣城

迢遞尋山路秋高第一峯斷雲生落木反景響寒岩危想臨  
剝石披懷當老松攀幽向限意節竹獨相從

竹塘晚步

劉仲曜 宣城

薄暮望山阿牛車時見過濕雲苔石觸疎雨竹林多奇思驚  
元草羈情托浩歌轉憐溪下水無夢到鳴珂

遊工山

秦仁管 南陵

生與工山俱不識山何似秋日望山色朝青暮能紫策騎出  
西郊度林山如咫尺焉收天地浩然化為水霜風吹客夢驚  
聽濤聲起眺敢推宿暈登濟何靈綺怪石蹲上頭岬拔不可  
迺奮足越嶙峋却顧肯自止攀轡上際天此際堪千里笑指  
壁立山俯伏渺數蟻髮時極目處今反在其底遙揖芙蓉峯  
逡巡不敢齒江水衣帶間盈掬顧可飄睠茲東南敵千隊錯  
繡綺披襟清冷風天賴足宮徵孰與吊古  
烈忠孝立人紀願言訪遺丹修真誇赤鯉

送唐寓菴出貳寧郡

蔣超 全壘

寧國府志

卷二十五

藝文志 詩下

三

廉士恒中秩熙廷詎積薪只因勞侍從翻借撫遺民香閣連  
雲岫昭亭逼水滄人皆撫綺夏地欲勝峨岷山郭聽鶯早聞  
庭卧鹿馴屏星猶畫嶂案檯亦清真夙昔曾遊寓朱陳謬結  
隣豐村飯遠客社酒醉間人頗怪烟霞勝猶嫌茶笋類言歡  
憐鹿柴獨跡媿隨尋風送吳夔短音  
行露冕新一屢祈晚託卧想為歌陳

宿湯口

點翠結藍月半丸下山情似別離難誤人好事長鳴澗不放  
千峯入夢看

三溪

姜安節 宣統

雙峽高無極溪流滾滾來隨山盤屈曲觸石起喧喧幽谷遠  
聲近青天鳥道開巉壑爭似險行路重遲迴  
萬疊雲密合千疊鳥徑斜人家青映竹石壁白垂花吹東天  
開繡溪喧岸走沙莫愁生事少樂土可桑麻

玉山寺和施愚山太史

山川我愛宣州好處處雲泉不厭遊步到上方纔覺勝坐來  
長日欲銷愁橋邊把酒追三笑天畔飛花散一樓極目烟波

杳無際悄然  
身世寄滄洲

### 謝公樓四十韻

牛斗分郡郡春秋紀越城山圍敬亭秀水匝宛溪清百里雲  
巒亘連灘雪浪驚波光雙鏡閃岸影兩虹縈舟楫通吳楚桑  
麻重織耕物材充貢稅文獻藹聲名靈異居然托簪纓藉甚  
盈丹梯岸合恣碧瓦室岬嶮井竈簷頭火閭閻月下笙三刀  
尊漢尉五馬重周卿去去烏衣燕遷遷紫禁鶯高齋懸木榻  
四野望霓旌坐卧辭塵濁絃歌息訟爭荒堦俄肯構孤岫欻  
飛甍風景開簾見烟花繞座生雨中春樹渺天際暮帆橫襟  
帶澄江灩周遭疊嶂迎寒松冬謾謾宿霧晝英英詩卷舒遐  
覽琴尊恹素盟崇墉標迥概傑閣散遙情韻事千秋賞芳蹤  
奕代衡獨孤基漸改太白句誰磨橋樞垂帷幔芙蓉傍檻楹  
流霞朝結綺寒露夕騰晶翠蓋籠梧竹黃金布稻秔錦堪循  
吏製鮮任大夫烹嘯咏乘閒暇桑田閱變更撫茲風土美感  
彼歲時傾敗壁埋餘燼遺墟沒斷荆藤蘿遮翹魅檜栢挂懸  
黉熾燿依墻照鶴鷗上屋鳴人家歌哭短官舍往來輕何日  
瘡痍復終年賦役征殘陽迷戰壘衰草長儒鬢戎馬紛搶攘  
塵沙半晦明重湖仍北汪絕巘尙東撐形勢虛延佇棧題待

### 寧國府志

### 卷二十五

藝文志 詩下

三七

落成材求良匠闢工召庶民營輪奐前規  
飾唐皇繼起榮登臨漫懷古長笛倚空晴

### 瞿硎石室

釋在柯 宣城

石室巖中好披裘誰復來烟嵐迴列嶂石磴鬱高臺晚嘯猿  
長入幽樓鳥不猜白雲從閉戶應為老僧開

### 雲山洞

孫于王 宣城

一石蟠山根鬼斧刻其腹入循百尺梯照炬步還縮屈曲中  
嶽巒戴履白石屋儼如虎豹攫媚若芙蓉簇幽氣逼營魂垂  
垂膏乳澆考登得吼豎鼓翅有例蝙蝠宵冥不受陽仙靈相嬉  
逐當年殘爛柯梓遺方玉幅一筭挺拳拳萬古無頭覆漠漠  
流清泉荒荒積寒綠寄  
宛安可窮毋乃通海壘

### 霜降日集敬亭

史大成 鄆縣

畫閣岩峩俯人觀不嫌絲竹到林巒昔賢蹟在山靈壯今日  
秋晴客思寬千里岑來雲忽盡萬家烟動樹初寒清霜一夜  
添紅葉載榼  
重登典未闌

響山

吳 鉞 宣城

策杖出郊珂文願坐杳冥松雙眼白卧石一毡青錦響風  
從人歌清雲欲停俯看千竈瞑孤塔自亭亭

水西懷陽坡舊業

汪 觀 宣城

琴川來往熟作客愛清光山綠半溪水林疎一夜霜憑欄看  
釣艇貫酒卧僧房忽覺家園好孤吟夢草堂

過琴溪抵桓公嶺

劉 澍 宣城

雲根一百尺征騎破寒烟礪響孤松下橋飛斷壁邊戒嚴多  
絕壑負涉出新田內史荒祠在魂傷薄暮天

姑山阻雨

詹淇澳 宣城

客程原不遠石磴鬱欹斜翠負看山屐遙連泣露花白雲千  
嶂雨紅葉幾人家尋夢曾遊處仙僧去路賒

題徐半山山居圖

王士正 山東新城

先生竟學道自製水田衣獨卧寒林靜故人相見稀晚涼松  
鼠落曉日竹鷄飛亂葉千峯裡行歌何處歸

寧國府志

卷二十五

藝文志

詩下

三

宿黃山陳足葵宅

湯燕生 太平

世故相看各未怡到門秋色浸寒巖接輿有婦知借隱安道  
生兒亦茹芝揮漢竒峯環左牖蓮雲絕壑近東籬憐余芒屨  
初登頓良杖相隨作導師

桃花源

蒼蔚林深自濕衣日台山氣霧孤飛因愁澗險無平路遂令  
幽人去不歸

大安寺和施尙白

左士望 涇縣

髮僧長作客伴客亦依僧坐惜三春去挑殘幾夜燈鐘聲流  
月冷山黛罩雲層咫尺凌崑路還期杖策登

岳山遊紀事

劉篤生 南陵

市樓望岳山岳山青在牖久陟大山頭群峯皆我友遊懽興  
正豪雲倏抱山走歸宿朗公房揣揣豺虎蔽長起望岳山岩  
嵒尙昂首迤邐七里多忽驚一壁陡努力直上躡氣喘皆張  
口昨若陡大山大山今培塿所欣夕照什陰霏故烏有引憇

老菴中菴內天池瀏纒坐雲花飛空林風若吼游覽總未周  
惆悵降平阜靈境洵多奇歷覽將八九飛策窮名山茲緣良  
偶不

### 過三折嶺大覺寺

曹鼎望 徽州知府

水落山之隙人沿水之邊記止經三折百轉步高巔曲徑通  
禪室懸崖瀉惠泉風入幽篁裏清音接碧天我有山水癖對  
景每留連歇掌作勞吏幽興亦徒然來往皖  
江路此地兩盤旋息止觀物化天地何偏全

### 坐看山樓懷主吳縣

王同春 宣城知縣

石幢居士少殷勤意氣交期僅見君星聚一簾同臭味尊開  
兩地各聲聞未知說法堂前月何似看山樓上雲我欲飛鳧  
常過問平原  
一望路難分

### 蓮花峯

陳 葵 太平知縣

九品惟應佛土栽誰攜千丈日邊開溪流一派仙源合浮得  
香從菡萏蒼來

## 寧國府志

### 卷二十五

藝文志 詩下 三九

### 清潭

崔 瑤 太平

澄潭擬作玉壺看水面風來灑碧瀾高瀉銀河千萬尺遊人  
六月不勝寒

### 東門渡尋桓內史葵墓

梅朗中 宣城

維榜古渡康散步越平蕪斷塔時荆榛生烟鶴亭午展尋桓  
史墳樵蘇存無主荒隨登來牧遺烈耿廢伍中興兆一龍蕃  
服半養虎英國乃勒王仗節貞  
守府神爽亮在茲歷落更懷古

### 經陳郡守灌墓墓西即古州學

孤塚嶢峣大道旁豐碑翁仲半無行即看荒草迷槐市幸有  
桐鄉識召棠風物荆榛悲燕雀天晴即隴上牛羊誰憐開國  
歌良牧狩祀  
于今竟未嘗

### 琴溪

施 譽 宣城

琴溪老魚鱗鱗具琴高跨之入雲霧至今崖洞雨冰珠苔痕  
自有飛騰路琴高一去不見歸琴潭無復魚能飛我來空羨

琴溪水欲采  
松花飯魚子

### 半山茅菴

未夕千峯頂孤僧書掩扉減餐留客宿種火待人歸雪凍松  
逾老烟深笋自肥籬邊常卧虎車馬到來稀

### 過稽亭嶺吊麻祖洲

易水荆軻去寒鴉喜不飛空餘一片石應長首陽薇

### 集兄季升破石山莊

梅磊 宣城

獲山山下路客到正春天村漫桃花水溪園楊柳烟捕魚旋  
借網歸犢罷耕田秉燭開家釀狂歌未忍眠

### 聽夜泉

洪乘軒 涇縣

昨夜三更月流泉枕上鳴牽風淒更語冒雨關無聲岸領潺  
湲細石橫曲折清幽人應達此莫起世間情

### 同友登岳山

施化遠 涇縣  
教諭

## 寧國府志

### 卷二十五

藝文志 詩下

四

逸興期登岳前驅辟草萊竹堦拋險磴壺榼曳懸崖魚貫迷  
荒徑猿趺坐石苔翩翩成彥會談笑碧天隈

### 春登烟雨亭

王斌 涇縣

古檻臨洲渚憑高一望中苔生老樹碧花發遠枝紅逐景勞  
春眼披襟快午風落歌驚隔岸暮靄水城東

### 夏日雲嶺道中

戴元韶 涇縣  
教諭

行行不覺馬蹄幽赤日無風暑自收山外水田鷗鷺下村中  
茅屋響噪浮樹隨老少參差密澗急東西左右流指點梅花  
何處是千秋  
如見謫仙遊

### 南源別業柬友

萬應隆 涇縣

慣貧不畏田多林老卧欹樓伴酒杯十里蓼汀寒月浸一庭  
風色早霜催錦河漁唱隨流杳荒寺鐘聲帶雨來抄得麴方  
新釀熟遲君  
獨倚澗邊梅

### 山居卽事

文啟元 涇縣



山回水合野人家  
顏草荒邱斃種花  
紅白根分諸葛菜  
短長藤結邵平瓜  
休聞詔命應三策  
不事書淫研五車  
似坐官禪  
逃俗侶到門  
唯有素烟霞

朗陵署中即景

史鑑宗

南陵教諭

首藉齋旁園叟樓  
東南數武接疎籬  
橫塘有草春暉早  
荒圃無垣夕照遲  
為愛凌雲時護竹  
因憐向日不芟葵  
晚來樹杪禽聲靜  
却有群蛙競鼓吹

九日登倚劍臺

陳玉璣

武進

去年登高敬亭上  
今日登高倚劍臺  
丹嶂倍宜秋裏看  
黃花恰向客中開  
關心詩賦逢人寄  
回首家鄉望使來  
後會不知何處是  
漫漫風雨更相催

硤石晚步

蔡蔡春

宣城

書堂寺畔碧溪空  
閒步觀濠小徑通  
池底白魚驚夕照  
枝頭黃鳥戀春風  
數峯深靄歸樵客  
孤艇橫流立釣翁  
何日買山

寧國府志

卷二十五

藝文志

詩下

四

兼買棹一廬  
吾欲卜墻東

抱松女

并序

施閨章

宣城

宣城秀才羅愷妻孫氏未笄從姑避兵匿松下  
兵獲姑將殺孫急出以身代勝其載不從抱松大呼曰死耳義不可辱  
兵怒殺之三日猶抱松不仆人皆稱抱松女

松之青青兮女娉婷  
松之瑟瑟兮女貞  
一松可斷兮女不可轉  
徹松根兮疑血碧  
承千古兮松化石

浴湯泉

黃帝鞭赤龍銜珠地上走  
長驅陽谷水嬴沸成仰漏  
其下唯丹砂百靈司左右  
憑欄如蹈空解衣若飲醇  
濯物不辭汚懷新無宿舊  
隨意稱脂涼齋心得枕  
漱掩蓋交藤蘿暑寒改氣  
候指口試蕙漿竟體露  
蘭臭二浴入毛髓自視或  
眉壽盡域扇萬山車騎罕  
暇就猶嫌岩石泉薈澤染  
紅袖作詩銘仙都長使神蛟守

同施元引遊水西

我來琴溪一月住風雨不識水西路乍晴鼓柁逐輕鷗山寺  
溪光雜烟霧此地當年帝子宮層巖古木縱龍從靈錫飛來  
黃葉在春風吹遍桃花紅桃花落盡芝草長碧鷄畫叫空山  
響萬家烟火遠參差一葉漁舸自來往乍觀疑是桐川遊重  
憶瀟湘杜若洲釣魚臺下浮青玉秋霜閣畔思韶表白也詩  
無敵遂使山川破岑寂我亦能清歌欲留數字鐫絕壁五松  
院三生石安知今日後  
遊人不是當年舊李白

北樓對雪

瓦雪斜侵枕溪風迥入樓關山迷老馬江漢失孤舟樹白雲  
俱飲天垂水不流因憐種菜雁無路覓滄洲

書煉丹臺側指月菴

天海浩無涯孤僧寄一家泉吞丹井月坐對青蓮花小屋嵐  
烟重高臺石路斜雪中人迹斷燒葉自烹茶

人日涇川道中

寧國府志

卷二十五

藝文志

詩下

望一

人日日初晴春風昨夜生野梅憐早折凍土又新耕陰雪娟  
娟照流澌瑟瑟鳴琴溪聞控鯉駐馬一言情

同左稚姜遊幕山

春送登臨眼山高戰伐名寺門街極浦杯底見孤城古樹旌  
旗色奔濤鏃騎聲憑君詢舊壘指點暮雲平

過湖北山家

路回臨石岸樹老出墻根野水合諸磯桃花成一邨呼鷄過  
籬柵行酒盡兒孫去矣吾將隱前峯恰對門

書山門石壁

石扇開橫岫春陰入杳冥地寒雲樹古峯狹寺門青移杖分  
林洞流泉出戶庭前山看不極招手接瞿矧

旌陽寺舍

一月宿精舍坐看芳草生歸心知物換客感對僧平山市春  
荒險溪春夜火明勞勞頻轉側慚負晚鐘聲

隱龍方氏義井

山澗常疑雨千家舊井存疏泉通地肺倒海瀉雲根飲酌人  
皆壽冰霜氣益溫灌園逢野老嘯傲倚柴門

### 夜泊黃池

晚晴殘雪後遠岸夕陽邊  
集盡楓難辨漁歸網自懸  
客舟寒趁月茅屋夜含烟  
試覓幽人語燈明却未眠

### 三天洞

一徑穿雲過三天入洞開  
仙宮窮斧鑿龍窟走風雷  
日抱松根下泉通海眼來  
幽棲何代客禪坐有荒臺

### 送何生伯還南陵

春穀城邊路三年夢渺茫  
送君折楊柳揮手見江鄉  
魚鳥依人近荷蕖滿縣香  
塵纓良可濯切莫負滄浪

### 文瀾亭和韻

安賢古寺殘鐘在百尺危亭復此盃  
楓落檻前千樹白雲移天際數峯來  
孤城池合漳淮水異代詩留李杜才  
朋舊風烟間不易夕陽歸騎漫相催

## 寧國府志

### 卷二十五

藝文志

詩下

聖

### 霞溪寺閣

山城木末晚蕭蕭草閣溪聲似聽潮  
午夜一編燈自照寒天百甕酒能消  
雲中白屋分松徑雪裏青蓑過板橋  
已分勞人憑送旅可容生計老漁樵

### 宿隱龍方位三宅

雪後攀巖策短筇青天列嶂削芙蓉  
爭憐嶺上偏流水誰識人間有卧龍  
石屋圖書丹嶂入柴門雞犬白雲封  
連牀信宿成清夢知在黃山第幾峯

### 送王明府之旌德兼憶方氏諸子

握手知君友道存之官風物正堪論  
城邊雲氣梓陽出望裏蓮花黃嶽尊  
種芋山田千樹杪沿溪水確萬家村  
舊遊此地無窮憶爲問諸生在軍門

### 過標紙廟吊張公果

腸斷東流去不回獨殉河伯萬人哀江城無恙祠碑沒誰薦  
荒墳酒一杯

後潭邨舍

高詠宣城

溪漲村荒後貧交忽枉存壺觴野艇過雞犬竹門喧鳥相低  
霜岸黃茅疊水痕賞心偏永日搖落不須論

旌陽道中

蒼蒼羣木裏連騎出層巔仄徑爭飛鳥幽崖轉細泉穿雲時  
着杖捫葛誓窺天薄暮山家宿圭臆片月懸

烏嶺

溪聲抱嶺長曉露濕輕裝日出烟嵐變山春草木香洞陰逢  
虎跡樹杪見羊腸漫惜舟中阻登臨意不忘

客寓水西寺

舊是南朝寺樓臺頽十洲山多遙對郭沙澗遠浮舟聞說仙  
人醉還傳帝子遊風流應未歇登望一生愁

勝果寺

寧國府志

卷二十五

藝文志 詩下 器

江寺去江一百步碧瓦紅墻隔烟霧鳴鶻獨夜叫深蘆水鶴  
空秋語高樹鐘聲磬聲都不聞客舟漁舟爭欲渡殘僧日午

未開門門前  
秋草踏成路

湖北謁沈徵君

吳肅公 宣城

躡杖水雲寬麻姑接檻看同竒他客酒脫粟野人餐雨過鄰  
畚寂潮回夜話寒草堂無長物書卷得平安

步鼇峯

劉芳蘅 宣城

秀色憑虛聖居然海上山小橋通曲徑古木透元閣夜靜雙  
龍躡晴空獨鳥還引人頻入勝自喜杖藜間

茅菴避雨

劉堯熙 宣城

設雨漏多雨看山未見山落花何處選野水不分灣客已籬  
邊入僧方樹裡還東風來更急襖被此禪關

衆薄桃花

一棹橫溪過春風十里賒亂飛丹嶂雨遙接赤城霞鹿先  
跌草啼鶯小坐花劉晨來避俗誰與飯胡麻

城南野望

薄營城南望平疇半插禾青披新燕少紅句晚雲多飲犢過  
山澗歸樵唱野歌生平懷十畝於此意如何

劉堯枝 宣城

謝公樓懷古步文信公韻

梅枝鳳 宣城

高軒四望開霏微迷烟樹悠然懷仙吏跨鳳曾此去迢迢時  
代遷殘唱嗟宿霧哲人雖已邈精英此當聚風雅苟有屬何  
分新與故願言後來者勿復傷  
遲暮俯仰空千古前賢在指顧

送萬九野先生遊勞山洞

八十有三不言老杖藜到處恣探討日日看花東浦開掉舟  
還欲尋勞山勞山窮秀真奇絕壁立長河入繡錢臨流古洞  
嵌崔嵬空靈不用五丁開中有老僧長趺坐時時鉢底吼風  
雷巨瀾鬪石翻地軸客帆過眼如飛鷲石根深窟滙眾流蛟  
虬百怪相徵逐危岩懸石徧嶙峋仰面驚看虎豹蹲磨厓題  
字屬何人玉函丹籙誰問津飽飡上方青精飲歸來月色滿

筠松

寧國府志

卷二十五

藝文志

詩下

四

先都官祠下慈竹

植爾疑如昨森森堦砌幽當軒晴翳日獨夜雨鳴秋返暮同  
松柏登堂念治表百年憑祖德剪代或無憂

三天洞

巖壑無今古遊入自後先撥雲深入戶拾級倒窺天曩日穿  
丹穴陰風吼泐泉婆娑雙老母餘我惜殘年

仙源道中

山外深林傳曉鐘白雲生處冷孤松行人苦負烟霞約送羨  
黃山第一峯

春日烏嶺道中

張時英 宣城

漫說蠶叢異登臨別有天雲隨山足繞瀑向嶺頭縣鹿影棲  
寒木猿聲破曉烟何當却塵累幽谷訪神仙

過三溪

野時危密不可攀嶙峋仄徑繞烟巖天當險處難窺日路到  
窮時忽見山雲卧層峯看斷續浪驚窺石俯潺湲共知名利

心應倦車馬  
如何未肯閒

### 水西春日

趙時可 涇縣

水畔爭春早年年紅白花烟霞繞亭樹蘿薜晴袈裟一泓詩  
人地三宮帝子家登山復命掉笑殺武陵槎

### 琴溪夜月

兀坐竟忘歸奇人云此住呼之宛在斯月白迷溪路

### 前題

潺潺琴水亂遊鱗九轉成來散幻身赤鯉已同仙子住留將  
魚餌喚時人

### 送劉光祿蘧菴歸養

沈朝初 吳縣

之子中朝望何為獨去官直聲留瑣闥歸興寄層巒政政恩  
猶渥還家夢始安朗陵秋色早三徑足盤桓

### 菴峯晚眺

梅 直 宣城

## 寧國府志

### 卷二十五

藝文志 詩下

吳

向夕秋光好菴峯選翠微一燈天際辨衆鳥日邊歸暮靄迷  
苔徑新寒侮客衣頻年來寄跡叢桂小山違

### 遊工山

梅 清 宣城

巒峴工山巔際天峯獨美俯闕東南隅千巖列屐齒大江滙  
其下如帶明秋水拱手忽長嘯空濛見九子空谷風冷冷一  
泓響雲底云是古龍湫飛濤灑  
千里我呼朗陵侯何處應聲起

### 同諸子遊玉山寺

野興無時盡秋光為客留過橋鷗鳥遍攀磴薜蘿稠地寂聞  
孤磬山窮見一樓吾廬分咫尺不解此中幽

### 過夏家渡別墅

舊遊如在眼長望曉山前着屐無多路看花又幾年板橋平  
貼水寒柳細生烟沙際行人斷空浮一釣舡

### 新田山舊居

宿靄舊山室新田絕壁傍石陰廻栢規雲氣接華陽園自栽  
松暗溪曾洗墨香十年分去住回首一蒼涼

山門

鬼斧見天工千年石室通路疑雲裏伏源憶鳥邊窮易浣靈池碧難吹丹竈紅披裘人不遠長嘯愧高風

琴高臺懷古

高士遺臺曲澗東俯臨百丈之飛虹雲捲雲舒絕壁下花開花落空潭中丹沙鍊去山俱寂赤鯉騎歸路不通歎息往來車馬客幾人忙處問琴公

寄贈何二陟明府

繞郭初傳白雪音猷州地古足鳴琴四時花氣薰行轂一絲嵐光動曉吟帝子閣前蒼磴曲仙人臺下碧潭深水西春色新如錦何遜風流此自羨

重登烟雨亭

造次重攜濁酒卮千山仍抱一亭欹眼中烟雨三年夢半是醒時半醉時

寧國府志

卷二十五

藝文志

詩下

四七

白雲寺

梅文鼎 宣城

古寺依道周巖壑巧位置徑偏門不扁遊人若相避千仞依廻溪波光林外至道人空小樓蕭然絕塵累學佛不自名何況文與字杖藜時獨歌千山落空翠

栢槻山

谷險行成逕雲開近見山巖花春後好石蘚雨餘斑響會樵人斧烟生衲子關車塵紛五嶽得似此中間巖犬吠深樹藤橋客過稀木皮蒙竹屋欄戶啟繩扉生事無營足山蔬不摘肥相逢問城郭祇似昔年非

山門

梅 庚 宣城

夢想山門勝移家洞壑偏梯雲求乳穴鑿井得煤田寺對三花樹游當二月天鹿裘人不見石室自千年

題慕園

但覺爲園好翻思闕地初依城收野樹引水就階除客共烟中釣苑繡架上書落成才幾日花葉已扶疎

謾擬工官谷新開綠野堂陳情遲令伯愛日過潘郎地貴金  
爲埒天低石作梁滄洲從暫卧仙嶠在陵陽  
漲阻硤石觀治圩隄

浪湧四天低蒼茫望欲迷風帆山半落春樹雨中齊象馬朝  
疑石魚龍夜觸隄涓涓防蠹穴番鍾會須攜

### 項王廟

廢宅重瞻廟相傳此駐軍靈旗山鬼避石馬野樵闌草沒前  
朝碣林樓何代雲漢宮同寂寞玉殿幾回焚

### 翠雲菴落成

羣峯合岱護諸天路轉丹梯結構偏雙塔忽懸秋樹外孤雲  
常宿寺門前開修白社窮清境醉插黃花憶舊年更置危亭  
凌絕巘憑高  
佳賞逐時傳

### 寄贈胡伯承先生

抗節能全南渡初百年耆舊早懸車避人自種先生柳勸學  
還陳國子書谷口夕陽啼謝豹仙潭春漲上琴魚此時來往

## 寧國府志

### 卷二十五

藝文志

詩下

哭

桃花渡悵望  
元亭咫尺疎

### 玉山寺尋沃州亭

鐵笛銀鞍事杳冥遊人還問沃州亭三春花雨六朝寺極目  
潭潭空翠屏

### 雲齊閣九日

楓林紅淺未經霜暖看卑衣到上方自是名山負我輩無風  
無雨過重陽

### 送友遊黃山

沈壽國 宣城

黃山千百丈上與青冥通仙人曾種玉軒皇此馭空有客晨  
披衣願隨浮邱公解衣浴乳水挈杖歷巖叢渣視層雲變傾  
耳萬壑風撼幽發奇唱借友馮豐隆伊余無  
六翮啄粟閉樊籠何年其矯翼神兵遊無窮

### 重過宛陵留別

龔 鯤 知府

偶過桐川路重遊宛水濱花村田舍好竹逕寺門分吏候知  
風古官閒任酒醺舊交情不厭還似敬亭雲



登縣署具瞻樓

李文敏 宣城知縣

百里官衙百尺樓萬家烟火萬農疇三山鼎立居然勝二水環圍自在流黃葉宗風飄塔影元暉音韻繞峯頭昭亭今古多奇蹟眺望名賢思不休

龍溪驛卽事

驛路龍溪水氣重幾間官舍幾株松歲星問俗山初曉耕雨沿村澹始通父老扶犁呼刈麥兒童剪韭佐朝齋自知勞吏催科拙後樂先憂此歲功

留題開元水閣

袁啟旭 宣城

先朝中葉盛文物盡春容圖畫陵陽郭嵯峨甲第重園林開六代樓閣拱諸峯最是尚書宅風光別樣濃雉堞層層見高窓枕簟涼片雲行木杪一鳥破山光洗石苔紋亂投竿水氣香幽樓如傍此不羨午橋莊

仙源雜詩

寧國府志

卷二十五

藝文志 詩下

四九

石耳攀崖摘園蔬雜芋蒸吠人犍犬慣賽社老巫能落日風過虎歸林月引僧聽來鄉語熱肯識竟何曾  
古樹穿牆出孤亭傍岸斜溪船歸載米山嶺出簪花水淺魚腥少冬深笋味嘉此鄉多樸畧隱者足爲家  
最是東郊好千山望裏收驚濤來樹杪寒霧出城頭負郭三家市堆灘一葉舟天然圖畫處黃海卽丹邱

春分日瞿山招集沙城寓齋

東風吹不盡急雨過春山時有白雲至因之雙燕還天容名士聚人對落花閒莫謂一尊酒悠然開旅顏

開元水閣有感

仄逕蓬蒿刺眼長半波衰草舊斜陽孤城鐘動寒潮合百戰人歸老樹荒戊辛衝烟朝汲井山魃避日夜登牆年時游伴今何處贏得將軍牧馬場

西竺訪月峯上人

春來花雨數峯青飛蓋聯翩入翠屏僧出亂雲開石徑馬穿芳樹語金鈴歲暮瘴氣接諸天爽蝶敲聲歸法界靈欲證無生

即借問空潭  
肯放毒龍醒

松下儵儵是勝緣  
春山萬壑起蒼烟  
泉將出谷聲逾細  
鳥欲親人語自妍  
野客來時無半偈  
空花落處有安禪  
憑師莫話勞生拙  
身傍丹臺夢亦仙

### 次青弋江訪友人不值

青弋江頭一葉舟  
山光雲影共沉浮  
門前多是桃花水  
未到春深不肯流

### 遊工山

何一化 南陵

工山封域鎮萬尺  
鬱婉巖言借曠達  
侶千折躋其巔  
茫茫擴方宇  
崢嶸孤踞天  
遙對碧芙蓉  
長江一帶纏  
百里蓄風氣  
闢藹散茅服  
引臂行翠微  
宵露招神仙  
金支共翠蓋  
天際或遷延  
黑雲歛決澗  
下視如重淵  
羣峯若鷗鷺  
出沒互後先  
搖搖恐墜墜  
捫漢不可緣  
長風捲雲盡  
暮色愈娟娟  
竒態出無窮  
心目眩屢遷  
松風吹碧落  
肌骨化輕烟

### 遊水洞

## 寧國府志

### 卷二十五

藝文志

詩下

辛

天剗奇險區  
元氣伏窈墨  
石骨峻峻嶒  
噴沫出剗蝕  
屋壁疊鱗紋  
採雜丹青色  
經營想鬼工  
手跡尚可識  
黝然窺鎗窳  
龍窟窅無極  
心魂奪幽幻  
遠巡留不得  
歸去鍊神明  
再履非常域  
穿濕捫氣機  
摩崖飽繪飾  
乃識造化心  
終焉敢辭力

### 龍池禱雨

屈升瀛

南陵知縣

禾與民同生  
一雨均當澤  
無禾是無民  
久旱懷愁絕  
吁嗟舉大雩  
徒然牲璧竭  
夙聞龍池靈  
慨然工山脊  
雲氣一縷生  
甘露徧阡陌  
千層濟危崖  
深碧生寒冽  
傳道通江湖  
信是神龍窟  
匍匐借士民  
傾注冀倏忽  
厚澤龍豈怪  
涼德吏有責  
黑雲隨我歸  
庶解倒懸厄

### 登望華樓

公餘倚官閣  
九子入雙扉  
滿縣荷香集  
沿城雲氣飛  
酒坊仙蹟杳  
松館夕陽微  
何處秋聲起  
空塔獨鶴歸

### 望華樓呈屈明府

范希曾

南陵

西舉黃鶴頂  
東俯鳳凰臺  
宿霧四天捲  
華峯九子開  
檻憑雲滿袖  
手摘斗爲杯  
坐撫絲桐靜  
絃歌下里來

元妙觀

徐肇伊 宣城

層峯城堞上魏閣白雲中烟霧生寒壁松杉擁紺宮深宵笙鶴繞古觀藥鑪空為問仙都蹟桃花幾樹紅

清風亭

出郭嵐光十里青柳山橋下石郵亭斷雲蒸雨千峯散幽鳥一聲何處聽

明鏡菴和韻

林森 宣城

客返湖心棹僧投水畔菴問津均得半酌月共成三邱壑原非志琴書容可談愛慈良夜永乘輿踏烟嵐

澄江亭秋讌

丁宣 宣城

水際孤亭迥秋來好共登天高遙岫見木落碧波澄風雅人同調笙歌酒一燈聚星逸興足霄漢欲憑陵

北樓懷古

孫卓 宣城

郡樓何碑兀直上層巖巔謝李留題處高齋自昔傳文章能不朽山水若為緣卧理神仙隱登臨俗累捐晴空來爽氣平

寧國府志

卷二十五

藝文志 詩下

至

楚幕寒烟向向看皆盡冷冷響出泉春雲紛杳靄芳草鬱芊綿解道江如練還攜句問天古人不可作代起孰稱賢長歌翠微際沈吟落日篇悠悠千載事矯首意茫然

登敬亭二首

茆薦馨 宣城

出郭名山近游人此捫蘿谷深春水亂林杳白雲多松頂藏高閣簷邊走大河風流猶似昔李謝許重過

作客負山靈茲游信宿停別僧髮如雪小竹枝滿庭雨過一城綠雲留雙塔青况聞黃藥洞說法擬同聽

澄江亭別宴

詹宇 宣城

扁舟冒雪艤江隈朋好追尋共把杯敢擬杏花春後看却驚梅蕊臘前開長途孤劍寒光動隔院疎鐘暝色催分手河橋還有約北風歸雁寄書來

白衣菴

蔡瑤 宣城

紙路繞清澗平疇散綠秧脫冠攜道侶看竹到僧房幽閣黃鸝語新瓷紫笋香溪風正亭午小坐一單涼

敬亭

唐廣堯

同知

一逕山腰仄藤蘿日月深  
臨風通港氣巖石帶松陰  
遠岫全飛雪奇雲欲作岑  
荷香來十里永晝獨披襟

遊玉山寺

盡日探奇登玉嶺溪光峯色恣遨遊  
霞天一抹來秋思雲樹千重入暮愁  
古剎不知何代寺名山今有讀書樓  
相期再撥

漁郎棹紅葉  
疎林看十洲

陵陽秋望

徐化民

宣城教諭

空齋極目似郊遊木葉初黃處處秋  
作吏世清憎野鹿傳經心事任沙鷗  
日斜疊嶂人烟靜風過雙溪雁影流  
岑寂不知身在客宣州

自是古揚州

秋日登幕山

何開藻

涇縣知縣

迤邐山行上幽尋境益嘉溪流遙響石  
松巖密吹花古壘寒雲滿深秋落照斜  
憑虛遠睇望烟火幾人家

寧國府志

卷二十五

藝文志

詩下

卷二

幕山大觀亭

魏憲

近郭山偏聳虛亭得大觀千帆爭去住  
半塢倚噴阮宿月慈清畫高峯  
過午寒英雄曾建幕猶見亂雲端

疊嶂樓漫詠

常君恩

通判

山水具靈秀聞見各異領茲樓敞陵陽日  
陟神趣永大江橫其前漁舟立烟暝  
俯瞰青濛濛吁駭孤閣迥蒼然雲鳥沒  
初月出高嶺追惟謝公後詩流遞相送  
澄鮮攬宛句毫末辨鄙鄧如何千載餘  
寥寥跡遂屏淫讎互驚聒無異噪蛙龜  
大雅久衰替懷古緬修綆

梓山

關河

旌德知縣

小縣依山曲登臨維環邊寺穿疎樹古雲抱  
一峯圓流水遠通郭層巖半作田吏情耽  
遠眺何處訪鳧仙

梓山

劉鈺

旌德

負郭好谿山春晴客共攀披陀綠石燈杳  
靄入松關花落僧初定庭虛鳥未還  
下方塵境接車馬幾人間

移居陽坡逢寒食

張羽皇 經歷

移居席未暖新寒猶寒隨俗皆簪柳  
料頭獨挂冠踏青憐草細倚樹惜花殘  
未是揚雄宅誰來載酒看

烏溪飲葉桓城

柳幕再相尋雲來自日陰杉松堂戶牖  
烏雀下園林每到幽人屋能開俗吏心  
多君投轄意會許共知音

春日水西

孤城吏事減攜手渡洋槎春足野人屋  
山留帝子家是園皆作錦無樹不開花  
疑向武陵去歡遊到日斜

望黃山

陳汝昌

太平知縣

朝也望黃山暮也望黃山黃山頂上眾  
峯簇鸞舞龍蟠相拱環高如天柱插斗  
極紛如羽葆列仙班瀑如空中匹練瀉  
霞如海上珊瑚殷我聞黃帝曾棲此一  
省丹台步天關氤氳烟霧變俄傾毋乃  
雲車去復還念予乏仙骨溷跡在塵寰  
簿書苦踟躕民生切痲痺何日浮邱回  
鶴馭惠然顧我生歡顏

寧國府志

卷二十五

藝文志

詩下

五三

登新增大觀樓

百尺名樓已絕倫一朝層累更嶙峋  
把杯俯挹林端月啓牖飛來座上春  
水漲麻川真繞檻雲開蓮嶽故親人  
登臨搔首長塗嘯不擬風塵置此身

風雨敬亭道中

倪正

宣城

烟凝啼鳥息山裂怒蛟飛轉眼桑田  
斷橫流石室稀陵陽雲滿路湖北浪  
沉磯何日餐金穀騰虛上翠微

關雞山

施彥恪

宣城

虛境穿幽過蒼岩復共攀刺空雙石  
起傳是關雞山芥羽紛苔跡化冠帶  
血斑世人爭競苦為爾動悲顏

泛舟青溪登響山

梅錡

宣城

青溪連赤壁臨水更登山竹樹空明  
裡魚龍杳靄間才推供奉歛釣憶子  
明閒共是忘機客沙鷗任住還

友人招飲清溪酒樓遇雨

詹天廵

宣城

客中能款客登眺俯城闌倚檻招黃鶴當牕坐綠筠烟橫垂  
柳岸鷗泛落花津應有催詩雨歸塗埜角巾

靈山謝巖

詹天挺 宣城

謝公着屐後誰復寄幽尋偶就巖前酌藤花落滿林

靈山雜興

劉楷 南陵

別山三十年苦憶山中靜雲深鳥不知天外一聲磬  
眾山東一溪溪流遶山外時有問津人桃源聞犬吠

籍山臺

山城石磴引危臺近接人烟迥絕埃數里松吹清籟遠百岐  
荷送暗香來江流積霽霑橋檻工岫斜陽射酒杯勝概滿然  
收咫尺登高誰是大夫才

北樓卽事

梅自魁 宣城

結構何迢遞直瞰澄江濤入關擁晴旭曠望極高深遠山翠  
百重迴流映千尋花枝明近遠烟火散平林流鶯聲上下雉

寧國府志

卷二十五

藝文志 詩下

五

堞巖森森臨風更倚徒悠然動素襟遙遙謝宣城風流自古  
今

宛溪道上晚望敬亭

陳焯 宣城

溪聲帶秋氣颯颯入斜曛近市寒微減到城山始分暮烟鋪  
作地遠樹看成雲且就陵陽石宵鐘應獨聞

梓山尋竒石僊桃舊蹟

唐益 宣城

良辰兼勝地躋險肯言勞未改千年石難逢二月桃遠疇浮  
麥浪空澗遞松濤欲共山靈語臨崖酌濁醪

登半山

半山秋老葉紛紛直上層巔攬白雲地勢北來千嶂合灘聲  
西走兩湖分平原燒滅磨殿跡極浦帆衝雁鶩羣徒倚無端  
追徃事捫蘿披蘚辨荒墳

硤石夜泊

劉日易 宣城

江迴波光白天空嵐氣青寒禽啼細浦饑獺竄長汀杖屨窮  
猶在風霜亂自經旅懷須一醉雲樹正真真

登敬亭

陳世祥

南通州

千載昭亭在幽人不厭尋看山懷絕頂待月坐疎林渺渺晴溪遠暉暉落照沉謫仙難再見把酒意偏深

秋日疊嶂樓

仲樞

吳江

月臺無復倚雲亭山色依然展畫屏霜葉丹黃峯紫翠重重瀾出四天青

琴溪仙峯

佟賦偉

知府

誰謂神仙事荒唐語不經遺踪雖未遠峭壁有餘青春煖魚如約雲間洞自扁塵緣何日斷碌碌且飄萍

竹絲岡勸農

竹絲岡上布穀啼竹絲岡下競扶犁何當三日坡公雨笑看秧針刺水齊

南樓讌集分得一東

青梅的的石榴紅又是清和四月中記得去年亭于上也曾有客醉薰風

寧國府志

卷二十五

藝文志

詩下

五

野色江光望不窮綠窗常倚四時中風流司馬偏多事摹本殷勤付畫工郭見齋司馬現屬能手寫澄江疊嶂圖

夏初佟郡伯招飲雲齋閣得鹽字

耿世際

宣城

宛疆太守著勤廉視民終歲如危厝農正昨聞占大有薰風南來力緜秋我公勞農乘時令聯轡郊遊選勝兼摩崖躡蹻一峯上翠染羅袖拂松鞞佛宇璀璨若鱗次新茶嘗罷崖蜜甜筵開雲齊豁遠日望裏烟巒手可摻團坐酣呼寬禮法行廚傾倒酒頻添日暮看山山更好解醒更酌進梅鹽孤雲胃去鳥窺簾歸途皎月浸林巖

南樓看紅葉送別分得二十三漾

姜本俊

宣城

經秋困塵壑萬慮積烟瘴辰聞折簡呼踴躍神已五日昨登敬亭煩襟一以曠同遊苦不多勝賞今為暢東井有文星復合南樓上綺疎爽朗開雙眸豁四望楓林一夜霜變作春花狀晴霞散滿溪武陵迷所向使君逸興飛抽韻迭廢唱羣工持斧斤指揮宗大匠含毫眇秋色絢爛關錦障詩思恨不奇三舍甘獨讓且復續離歌中心殊漾漾烈浦與那溝布帆定無恙聚散各街情蟾光升疊嶂

城南觀荷應教

吳門好景惟三耳六月荷花屈一指宣州太守擅風流  
蓮荷  
城南花千蓋扁舟不載采蓮娃一篙蕩入茅簷裏鴛鴦雙飛  
菱葉開綠蓋倒影清徹底濃陰夾岸弋涼颺一縷寒香收不  
起公彈琴客投矢風儀質樸晉人似客校奕公拂絃局殘詩  
罷臨流倚漁舟四五結為村指揮舉網先得鯽赤鱗奮動鮮  
作羹冰盤雪碗佐瓜李嗜飲素尚長鯨吞碧筒細吸亦可喜  
通林欲暝打魚回丈入溝前應逐此  
古今之樂樂誰知當途皎皎月如水

春日宛溪泛舟

溪流直達長江去岸轉山迴收不住雙虹高跨宛之東誰  
小舟出烟樹白鷗斜掠蓬窻來兩岸桃花夾柳開青簾高捲  
繼雙目與客對坐傾金樽敬亭在望雲鳥長無數  
山鴉飛不了暮歸何處可停橈明鏡菴前春月皎

訪謝公亭

誰折南齊柳烟波遶范雲使君真愛士寵餞惜離羣沙白江  
帆曳楓丹漁火照放歌停去鳥把酒送斜曛楚水粘天合巫

寧國府志

卷二十五

藝文志

詩下

五

山倚樹分間幽臨野渡懷古薦芳芹址廢汀  
莎亂臺荒岸草芬欲尋僧別處太白豈空聞

榆皮詩

沈廷璐

宣城

維歲在亥子東南告屢饑老羸轉溝壑少壯紛流離或鬻室  
中婦或棄懷中兒并屋少爨煙所啖惟糠粳糜不可得口  
腹仰榆皮遠邇荷筐筥霜冰白差差揮刃奮割取枵腹愁力  
疲十百動為羣萬樹無完枝曝日細研杵煮水成粥糜亦或  
作糲粒彷彿同歲其厥味不親嘗甘苦誰當知凶荒謀苟存  
詎敢長嗟咨我本空倉雀啣門何所之環顧同苦辛藉爾續  
朝炊散步偶林藪攀條淚暗垂是物誠何辜刀痕創若斯於  
人苟有濟剝膚亦奚辭以茲草木惠益念皇天慈不然此黎  
民寧復有子遺榆皮有盡日風雨無休時瘡痍森  
滿自終恐命如斯絲誰繪監門圖願陳榆皮詩

後榆皮

蒼蒞之心拔不死榆樹之皮亦爾爾去年割盡今又生今年  
重割去年糞榆兮榆兮皮幾許歲年年競割取競割取顯  
蒼穹雨暘時若願歲豐不獨道建重  
活歡鼓腹亦使長養敷紫到草木



雲山洞

常思探勝跡今日始躋攀林靜意俱遠巖空身亦閒人烟連洞壑仙窟自雲山細路從茲識長歌數往還

北樓送別

竟買扁舟去鶯花恰好春前途君有伴比舍我無隣形影三年共心期兩地真到家母久住計日盼江津

題拯溺圖

沈廷珩宣城

河側懸水接天十村九村無人烟隄岸决津梁絕一步兩步行不得可憐澤國民其魚死生多雜龍鼉居沙頭人鬼夜不辨月黑但聞聲嗚嗚疇其饑溺急由已計戶給錢還給米日惟太守賢活我波心裏君不見圖中來去紛紛大小船一日能救千人死

雨集南樓

方正瑗桐城

鈴索風吹霄漢間滿身烟雨共躋攀帆高城郭知添水雲上樓臺不辨山勝地自留賓客醉清時才得長官閒晚香忽見

寧國府志

卷二十五

藝文志 詩下

五

荷葉發十畝  
靈湖想故關

題澄江疊嶂圖

遠水城頭懸匹練好山城上簇芙蓉他年風雨江南夢人在陵陽第一峯

北樓對月

吳無疚高淳

孤懸海鏡碧雲端萬戶清光玉宇寒未卜明朝是晴雨且撩今夜倚樓看

題南樓圖

王式丹寶應

三十年來別敬亭回頭樓閣倚青冥頻年又作南遊客一鳥孤雲夢未醒

陪郡守佟公文脊秋望

張所勉寧邑

寧陽踞佳勝山靈互縈繞嵯峨文脊峯邱壑何窈窕秋高爽氣生掩映衆山小望裏隔紅塵目送行雲杳樹影丹黃間蓬壺共飄渺喚起瞿翁丹臺事未了當年披鹿裘應戀秋光傲往跡盡蒼茫搔首園林杪何當謝公遊村墟盡憑眺遠鷲

驚人詩垂  
碣山門表

疊樊川韻寄懷佟青士先生

胡會恩 德清

白雁橫空絳葉飛  
陵陽烟景望中微  
懶尋山郭登樓去  
獨向江天挂席歸  
黃菊風淒思杜牧  
碧梧秋色憶元暉  
清宵夢繞追遊地  
月滿離筵露滿衣

北樓懷古

王佐 宣城

陟陽山起郡城中  
上有層樓對碧空  
粉堞一圍羣嶂繞  
畫橋雙鎖亂流通  
閒捫斷碣尋芳躅  
更弄瑤琴坐好風  
謝李鴻篇今在目  
春花猶放舊時紅

採茶謠

沈泌 宣城

桐花吹殘棟花飄  
家家挈筥升山椒  
三五村毗自作隊  
競摘采條如刈蕭  
共說今年茶事少  
估人齋鐘悔不早  
且摘且焙須趁晴  
不歸箬篋盛瓷甕

寧國府志

卷二十五

藝文志 詩下 五

種薑謠

畏寒悶置驚蟄賣  
是名火薑不易壞  
腴田種之燥濕勻  
松葉敷陰藉遮蓋  
鈞芽偷毋枝柯繁  
芄芄其埒紛邱園  
霜降掘發利無莫  
艇薄絡繹津亭畔

割蜜謠

崑屏礪戶羣栖託  
誰云小物無知覺  
義有君臣午必朝  
人不如物洵堪作  
出分藩翰處區房  
釀花成蜜胥芬芳  
長至天寒例割蜜  
留取一半資蜂食

割漆謠

周官漆林禪王政  
宣州睦州產較勝  
吾鄉風土頗茂淳  
漆栗筆蜜物宜盛  
戕皮取汁翻蔚然  
割不宜數全其天  
唐魏儉嗇見篇什  
至今利用寧棄捐

斲筍謠

秋掘黃精冬斲筍負纜深陟箬簣嶺循根逆土竹無傷攫取  
一園青玉影山厨燒啖味絕倫佐以茗椀尤解新此外何物  
可方駕周鼎  
晚菘張翰尊

### 木瓜謠

承天作賦風人咏投報相於吾所敬淪湯澡躬涼瘳除豈惟  
瓜德見瓜性此物並梨東南鄉吾家場裏產最良因類而及  
辨方物奚必  
草木稻含詳

### 捕狸謠

吾宣貢品誇二絕上者玉面次竹節齧啖果實體膩肥土人  
張豎在秋月鮮餐薰啖劇甘美利用殺蒸靡脂毀糝以粵餉  
佐以豉不羨  
江瑤柱為旨

### 雪梨謠

花開春月霏瓊屑實結秋深類萍實疇曩會同橘柚包繡衣  
抗言貢品絕裹以桐箬承以筐闕宵襪被干振防幸非炎方

## 寧國府志

### 卷二十五

藝文志

詩下

五九

荔支比飛遞  
不掇紅塵忙

### 採蘭謠

叢生幽谷石罅旁君子之德王者香土人擷之易鹽或植以  
盆盎綴佩裳一莖紛蕊謚曰蕙春花秋實我所貴騷人愛溯  
澧兼沅俗人  
但珍姚與魏

### 採桑謠

東溪溪口風物幽比戶養蠶苕香伴女執懿筐孩上樹晝夜  
飼蠶無少休四月山村信忙劇刈麥蒔禾肯晏息王政衣食  
二大端黎民  
或免饑與寒

### 旌陽道中

細路盤山徧山高霧氣重寒花明古驛瀑布落危峯獵火雲  
邊燒鳴泉溪上壽中林蘭若近欲覓渺無從

### 同劉文海遊管氏園林

梅璩成  
宣城

縱目驚空濶園亭抱水寬  
藥畦平野合花塢綠雲  
攜時事同棋局高懷把  
釣竿此間堪永日莫漫  
問歸鞍

遊栢觀

梅班成 宣城

天際雲開敞碧峯晴光  
澹蕩關春容綠沾遊屐  
新苔徑響度疎林遠寺  
鐘百丈懸崖橫螭竦半  
空仙掌散芙蓉無邊景物  
忘歸去高枕禪房獨聽  
松

登北樓

梅毅成 宣城

飛閣凌霄起川原一望  
收野雲開列岫遠水見  
行舟花與詩篇麗松將  
琴韻幽晉唐遺蹟在千  
載續風流

遊栢觀

梅玕成 宣城

礪曲峯回石磴斜躋攀  
不厭谷谿穿雲深入桃  
源路采藥疑來仙子家  
岩際好花飛媚蝶林間  
幽鳥噪晴霞登高更覓  
瞿劓宰擬共披裘理釣  
車

北樓餞別郡司馬郭公北上

王可第 宣城

寧國府志

卷二十五

藝文志 詩下

卒

綺筵歌折柳風度燕呢  
喃樓迥分津樹江空見  
野帆玉琴乘月鼓瑤爵  
伴花銜秉燭聯吟處高  
城月影纖禮法寬賓從  
何須設酒監名談參象  
緯清管和英威夜永香  
凝席春深柳拂驂渭城  
休更唱離思滿征衫

春過黃墓

劉學尹 南陵

黃墓名垂遠忠魂應有  
知碑殘無幾字樹老剝  
餘枝古塚樓狐冷荒原  
宿鳥悲桃花今日淚洒  
作吊墳詩

慕園卽景

劉沛 南陵

水亭涼氣迥苜葉漏方  
塘露滴浮朝翠風生挹  
晚香橫波搖不散野樹  
亂無行倚檻饒幽與清  
芬半草堂

同諸子步月玉帶橋

劉燾 南陵

秋高夜靜明河直絡緯  
蕭蕭聲乍息一鏡橫空  
絕片雲金波漱艷光如  
拭乘興懽呼結伴遊石  
梁散步城東北為愛佳  
名自昔傳翻驚勝地疑  
初識花竹數重亭榭深  
夾岸露華含彩色平沙  
宿雁影微茫點就朝川  
圖半幅歸來人語隔窓  
紗從倚還忻繞庭側

紫巖書屋落成

隙地豐泉石都由漫興成數峯當戶秀一鑑入簾清樹引春雲  
曙荷飜夏日明老親杖履適指點笑滄瀛

翠雲亭

亭虛空翠落到此淨餘氛午歇峯頭雨平封洞戶雲竹光迷  
宵靄花氣刺氣氤已覺名藍近鐘魚幾度聞

靈泉寺

謝天申 南陵

問水更尋峯靈巖忽浸逢層層圍竹樹而面削芙蓉到寺饒  
秋色搜奇奈晚鐘明朝期再訪只恐白雲封

白雲山

霧隔忽然開憑虛躡翠苔嵐光迎袖落溪色拂琴來愛靜聽  
幽鳥尋香折古梅莫辭歸路晚明月照人回

山口

劉 攜 南陵

曉岫收殘雨衝泥問酒家古藤穿怪石一徑落開花山抱村  
烟轉溪尋野約斜南鄰多舊伴相就話桑麻

寧國府志

卷二十五

藝文志 詩下

空

感阮

趙廷揮 涇縣

山裏人家底事忙紛紛運石疊新塢沿溪紙碓無停息一片  
春聲撼夕陽

已過茶菴十里蒼山雄天窄少人家溪邊小鳥無名字故作  
嬌音弄水花

柏枧山

梅文矩 宣城

翠巖重復重石洞曲還曲一徑入雲深山僧響春菽

遊響山

袁朝選 宣城

公餘遊勝出塵寰獨擁孤筇步響山半曲滄浪春望遠一江  
鷗鳥暮飛遠片棹小住依丹壁斷碣難辨俯碧灣莫向子陵  
求出處五湖風月在人間

九日北樓分賦

崔賜履 涇縣

詩思翻如江海濤謝公樓上競題糕秋光已着陶潛菊霜味  
初歸畢卓螯一片閒雲當檻冷萬峯晴翠撲蒼高家園百里

原非遠醉把  
茱萸首重搔

### 安吳渡

繞塢烟村酒旆懸  
鴨頭波起夕陽天  
落星潭上雨來急  
無數歸人喚渡船

### 涇上竹枝詞

桃園三月看桃花  
看遍桃花與未賒  
一歲一回東道主  
今年輪得到誰家  
紙是仙人妙手裁  
不須做古用莓苔  
官家催取黃金榜  
縱有田荒且撫灰  
水東土骨產名茶  
雀舌輪香色未賒  
惟有雨前能解渴  
做將輕辦落梅花  
纖纖玉手捧柔桑  
蠶縱眠時妾自忙  
試看鄰家新嫁女  
夜深猶未卸紅妝

### 白雲山讌集

姑射城頭與未忘  
喜逢良會引杯長  
山雲宛轉流簷外  
澗水週遭響席傍  
遠樹已含斜日影  
落花猶帶晚春香  
歸來自笑

## 寧國府志

### 卷二十五

藝文志 詩下

六三

多塵事翻妒  
風前鷗鷺行

### 集北樓口占二首

立言與德功有一  
亦不朽君看宣城名  
長為謝君有政簡人多暇  
時清歲屢豐常年文字飲風月  
北樓中

### 傳統茂

通判

### 北樓次唐韻

陵陽挿郡郭樓迥入長空  
落雁諳秋水孤雲惹斷虹  
烟深籠檻竹葉滅墜塔桐  
千載臨風念於今又李公

### 劉敬

宣城

### 南樓讌集分韻

四野天垂碧羣峯日半銜  
溪光明處直增影望中央  
雲霧披青眼風流拂紫鬚  
夜來露醉極險韻不知拈

### 金縊

宣城教諭

### 同友人登南樓

春風小謝城宿雨愛新晴  
甫踐登臨約還舒望遠情  
烟環青嶂合天與綠波明  
不盡流連意餘霞似綺成

### 江倫

歙縣

### 遊白雲山寺

### 陳養元

寧邑知縣

幽谷晴川杳空廓古樹深松連雲作慢難轉水能琴好事前朝碣消繁老衲心日斜聊倚檻堪擬步虛吟

### 文脊秋望

雙溪紫帶水環流文脊高凌碧漢秋萬井黃雲鋪綠野千林朱果挂丹邱捫蘿血入瞿硎宅酌酒如吟謝眺樓極目晴空園畫裡何時展齒得從遊

### 秋日登南樓歷鼇峯抵春歸臺

劉志學 宣城

茲樓高與北樓同警咳聲聞在碧空山翠四圍羅檻外水光千尺抱城東髻年講學崇先正老去吟詩憶謝公橘柚垂庭書院鎖夕陽懷古思無窮  
尋秋得得遠登臺踏破城頭一徑苔眼底山崇多北向脚根路熟自南來高原傍郭干墳亂大麓臨坡萬象開屈指春歸猶尚早飽看霜葉故徘徊

### 寧陽僧舍雨後友人過訪

王一源 宛平

## 寧國府志

### 卷二十五

藝文志 詩下

三

荒郊雨歇人踪少檜影雲光冷客衫僧靜烟蘿孤麥飢鶴驚仙侶到春巖新詩好向花前讀旅夢應從醉後交攜手暮林一長嘯高峯歷歷望曉曉

### 靜居寺

于士位 寧國

綠陰深處白雲多古刹年來半薜蘿石級層通幽澗窟山腰環抱老僧窠蒲團定入空塵夢花雨春深長曼陀却喜閒居茅屋近清宵踏月幾經過

### 春登敬亭

王肱 宣城

敬亭風日朗憑眺正芳菲山寺懸巖立春雲拂檻飛茶槍迎穀雨竹箭入荆扉望遠情無極閒僧天際歸

### 宛溪夜泛

王 巍 宣城

適意扁舟泛溪流午夜中月痕支露白漁火墜星紅引檻參烟翠欲蓬笛倚風遙知花徑外叢桂小山通

### 峽石道中卽事

寒食歸鞭指落暉山亭水閣翠成圍荷鋤影動修茶圃橫笛  
聲來真酒扉出院花枝衝雨瘦等簾燕子帶烟飛東風到處  
留人醉櫻笋  
監中憶蕨薇

### 送沈治先還宛

方文 桐城

秋江同作客春水又同歸何事樓遲久仍嗟生計微對床聽  
夜雨把酒問漁磯坐惜沙邊鳥乘風忽背飛

### 猷州城

陵陽山下稻花秋南陌東阡自一邱聞道沉沙多折戟老農  
知是古猷州

### 贈宣城汪發若

周南 桐城

陽坡芳草地今日孝廉家徑有千竿竹園無半畝茶枕寒溪  
畔月杯落敬亭霞城上橫吹笛梅開幾樹花

### 硤石

詹日懷 宣城

舟繫臨江石人華舊飲亭潮歸沙嶼白雲薄柳條青老嫗收  
烏梅山僧賣茯苓風烟何所似但醉莫言醒

## 寧國府志

### 卷二十五

藝文志 詩下

六

### 城南觀荷

湯銓尹 宣城

南樓高聳倚雲關花外傳呼五馬來自是香風催好句拂箋  
爭識謝公才

### 城南雜憶

吳參公 宣城

誰道風塵慢憶家青門無復故侯瓜相期歸蠟登山屐穀雨  
初晴一焙茶

忠勤樓賜幾經秋已見桑田可泛舟共指北門原此地別將  
蘇碣字痕留

田廬蕪廢兩茫茫遲日春風燕燕忙喜得巷名獅子在行人  
猶說狀元坊

遙憶荒郊事事憐新詩聊借客愁宣秋風一夜扁舟穩吹過  
江南菊蕊天

### 宿一峯庵

孫溥 宣城

暫投初地歇斜日映庭柯破案罽隨鼠危墻挂薜蘿厨空烟  
自冷僧老語常多愧我馳驅意年來竟若何

### 遊響山

莊罔生 武進



秋意客中深城南極晚尋仙舟移赤壁僧舍問青林乳竹生涼吹千松落翠陰狂來呼李白猶或出東岑

### 瞿劂先生祠

鮑明賢 李邑

先生名教宗不是神仙族世人多耳食幻詞相競逐指波洞中蹟詠作丹邱錄豈知造化奇開闢此巖谷先生獨探幽杖履時往復淡志塵軒冕捕雲賦邁軸時有跋扈臣國事可痛哭入山恐不深姓名今垂伏再三不能起寫心返華嚴鴻漸非中舉龍潛豈時殺西山懷探數位置可伯叔賢宰推馬公潛德發芳藪鑿鐵移精舍啟宇山門耀俎豆示楷模歲時瞻拜肅不佞時俗見千載知心獨

### 青溪舟泛登響山

陳允衡 盱江

探山只數里倚棹變陰晴草樹依城轉鳥鷗傍水輕 風生夜壑人語雜溪聲隱者不可見空餘釣石情

### 泛桃花潭

朱宗聖 宣城

為尋名勝得芳谿汎汎扁舟酒共攜山色看從天外照仙禽聞說月中啼萬樹杉松圍古剎一灣雲水擁丹梯底事青蓮

## 寧國府志

### 卷二十五

藝文志

詩下

十五

呼不出路詩聲裏夕陽低

### 新河莊石壁

劉錫麟 宣城

新河庄口沿山有石數十年前疎疎落落大止車輪耳今衰迴二三里塊然成壁矣予舟行經過憇息其下嘆賞稱奇知石固隨時而長者與夫物之奇者委棄窮岩邃谷之中其生其長人不得而見也抑或生在耳目之前可以曳而動可以力而取者不能久供人玩也斯石如雲屯霞布周遭羅列又為宛北水陸孔道人皆得而見之人不得而取之也但知其妙者少耳作石壁詩紀之

倚我齠年初入郭舟向新河庄口泊河干迤邐十里山山土有石初落落四百八十甲子過忽看石壁長嵒峨高者仰望

如雲布低者面壁以手摩居人習慣渾不識行路悠悠那記憶只道山石原如斯誰知年年自生息我今停舟一問之茲山突兀自何時登山更問山上石何因歲歲長魁奇噫噫石老人亦老山中黃石曾得道噫噫人老石不老青山一片年好年

城南觀荷

詹自俊 宣城

信是公餘樂事賒朱明勝賞在荷花香淨綺席風來遠影映清池日上斜素質無慚君子譽芳姿那許俗人誇汚泥不染真高潔太液峯頭第一葩

秋日鷺鷥湖

耿肇興 宣城

松陰一逕轉小艇度平沙風與潮聲急雲隨雁字斜哀客羞對客病骨喜還家欹枕呼同伴開尊醉晚霞

遊板石潭

孫一經 太平

仄徑緣崖去開樽坐水邊平沙留鳥跡古渡隔人烟鷺鸞陽春調溪鳴太古瑟永和傳勝事同此暮春天

寧國府志

卷二十五

藝文志 詩下 六

三折嶺望黃山

法海 江南提學

回頭三折望黃山客路匆匆山寺閒寄語芙蓉峯六六相思都在白雲間

秋仲同倪有斯訪閒雲庵

孫淵 宣城

曲折雙羊路平岡抱小山我來尋勝蹟相與叩禪關古碣陰堪辨高僧去不還詩人留舊句風景漫重攀

春日宛溪汎舟

孫朝甲 宣城

何年鑿清流曲屈通城郭間井沿溪頭春籬燦花萼春水深半篙蘭舟不可泊石隙戲魚兒小春出幽壑舊池宛溪館遊人常繹絡佳句想青蓮風流宛如昨繫楫意何之溪邊尊酒幕醉卧碧波中一聲欸乃落

城南觀荷納涼

施璪 宣城

城下澄潭城上樓潭光潭影鏡中浮此間大好觀魚樂不數莊生濠濮遊

天都峯

沈德潛 長洲

黃山天下奇天都峯之特絕地九百仞陡下如斧劈勢疑塞  
高空體許鎮地脉四面總換形不改性真直無心技聚土累  
自莫敢敵通體斷寸膚萬石怒分執蚌枝蟠千年蒼蘚積五  
色石室開曠朗竹泉流罅隙或云仙人軒轅此遊息浮邱  
與容成飛行無留跡斯理果不誣長  
生歸有德胡為學僊人空聞鍊金石

### 登文殊臺作歌

天都峙其左蓮花拱其右硃砂類於前玉屏環於後其餘臚  
列如兒孫或起或伏或仰首或如象獅擁衛高龍從下臨無  
極混溟濛山半忽起雲蓬蓬疎松奏樂鳴天風身世恍在虛  
無中我欲招客成揖浮邱試問丹經寶錄將何求無為清淨  
亦得成仙不青鸞白鳳杳無迹放眼天外雲  
悠悠孤筇獨立最高頂寓言朗誦逍遙遊

### 宛上送友集唐

施端教 泗州

去歲雲濤浮汴泗今年萍水寄宣州為憐五斗蕭條日可作  
三吳汗漫游于我自慚鹽豉撫送君應典鸚鵡裘水晶鹽好  
難留客淮海  
風高蘆荻秋

## 寧國府志

### 卷二十五

藝文志 詩下

七

### 宛陵訪王使君

張 銓 山西

宛陵雲淨見秋烟岸荻蕭蕭縹緲客舡兩水芙蓉新雨後雙橋  
芳草暮艸前回思太白浮家日却似元暉守郡年共說敬亭  
無限好卜居  
擬傍翠微邊

### 山居

楊廷棟 宣城

我家魯溪上門對麻姑山碧水流不斷白雲相與閒人烟深  
樹裡鳥語夕陽開大息歸與晚長歌且閉關

### 友人還宣城過別賦贈

知君家在華陽住為我綠塗過魯溪  
雙筒石橋低風簾月隔生遙想苔壁藤牆有舊題到日從容  
憑寄訊高堂  
聞客定扶藜

### 歸魯溪

肯戀車塵負薛蘿傍雲重整釣魚蓑人生能着幾兩屐世事  
有如東逝波墮砌榴房含宿火戰風荇帶護新荷故鄉景物

貧終好却話  
金臺感唱多

### 宣州竹枝詞

鳴鳩處處雨聲催  
綠樹人家門對開  
不到三眠蠶上箔  
陵陽坡上采茶來  
南樓樓下白蓮香  
纔到秋來欲斷腸  
荷葉荷花官採去  
鷓鴣頭老向滿橫塘  
江薑白芋紫花梨  
青滿平田綠滿堤  
儂在深閨不停織  
木棉重與製郎衣  
打鼓嶺前雲欲低  
溪頭梅花香滿枝  
個儂新有瓶花樣  
不唱江南白苧詞

### 借諸同人登敬亭口號

楊廷楷 宣城

秋風吹老黃菊顏  
秋晴攜登敬亭山  
秋霜冒楓葉盡赤  
秋霞紅點青天斑  
野酌參差坐無次  
醉眼摩挲認碑字  
李白夜郎初放歸  
已向青山卜葬地  
一棹江南汗漫遊  
謝眺樓邊獨徙倚  
左持汪倫酒石把  
諸葛筆往來長嘯  
無人知灑墨淋漓上  
苔壁我生後李千餘年  
孤雲野鳥相周旋  
海內知已復英俊  
揮毫盡奪雲錦鮮  
人生適意古難得  
我欲散髮呼青蓮

## 寧國府志

### 卷二十五

藝文志

詩下

奕

### 一峯晚眺

詹彬 宣城

倦起尋幽遠  
花邊得草亭  
樹深藏鳥翠  
雲散吐峯青  
極目千村火  
關心萬點螢  
何時覓春釀  
重為酌山靈

### 柏槻飛橋

梅予搏 宣城

橋亭架壑儼雄關  
一線丹梯未易攀  
千尺清泉萬仞壁  
飛雲巖似此谿山

### 雪梅吟爲族貞女

劉方藹 宣城

冷秀玉梅深雪裏  
睜耐嚴寒心不滓  
何曾一笑向春風  
孤清徹骨抱香死  
吁嗟吾宗有碩女  
潔性體皚成女士  
身如執玉口如緘  
天然淑慎端容止  
少小許纓南姥章  
青春十六靡他矢  
血滴墳頭吊所天  
死許嫁殤成一是不字  
之貞駭父兄服勤至死嗟隣里  
上貳下貳不少關  
日自春榆力到水不食肥甘  
不茹齋苦志乾肝生不視目  
雙瞽兮生如囚惛惛墨墨惟姑  
倚食苦處辛夢是甘伍死殘生  
餘一犯殮之三目白如生屍香  
炎夏聞心髓雪釋芬消還太清  
肌骨芳馨魂魄泚

### 暮春北樓文謙追次青蓮韻呈太守宋公

追攀春有嶽峯頂上梯空鳥口懸翠雲心暢酒如清風鈴  
語塔名宦鳳樓桐領郡翠微裏烟嵐媚我公  
恭承文字欲死乃席高空疊嶂紫青霽雙溪走白虹樓飛帶  
人黃日景影移桐編德山將水風徽邁謝公

### 春日登敬亭山絕頂

一快登臨意盤迴踏數峯露尖都石竹關選但樵踪萬壑屯  
烟海雙溪走玉龍山腰藏古寺春老翠雲松

### 遊翠雲

疊翠濃春嶂晴嵐靄四垂松杉迤古刹風雨蝕殘碑百折泉  
聲隱雙懸塔影危百今窮勝覽雲鳥迭追隨

### 句溪塔影

中湧江城塔波痕迥不迷倒懸如水立尖刺仍天齊梯浪分  
層級攀鱗儼上躋謾誇東海市清白瑩靈犀

### 敬亭烟雨

今盜等奇趣峯癡幻敬亭益翻一郡白靄失萬山青靈異杳  
難測氛昏晝欲曠那知雲鳥外勝概不常形

## 寧國府志

### 卷二十五

藝文志

詩下

五

### 麻姑曉日

火輪飛出海神岫忽光華山面開明鏡雲鬢襯曉霞仙風初  
映曙人籟未喧嘩省識孤峯旭城東幾道家

### 柏視飛橋

轟起峯尖並飛空架有橋不波沉岸脚將影東山腰虹亘冥  
通漢雲來似湧潮斗牛槎外客天步跨青霄

### 南樓

王一楷

宣城

鱗鱗雲片晚天秋乘興尋登王粲樓梧葉落隨雙鳥下藕花  
香散一人留竹深林迥初行展柳卧漁灣此繫舟記得吹簫  
曾聽去月明前夕正如鉤

### 鼇峯悠然亭夜坐

落葉響空山秋風上高樹獨步夜深涼默坐聽鐘鼓

### 重過廣教寺

梅以俊

宣城

相尋疑異地，締搆見幽心。改迓全迷客，遊門忽有林。鴻歸雙塔靜，燈掩一龕深。應復來神水，飄浮動海音。

### 過半山菴留贈

亂來肥遯者，得似遠公稀。白髮真爛客，青山老布衣。圃新聊治產，筆廢久忘機。翻怪蒼前樹，猶然作雨飛。

### 柏槻山寺

荒草仍前迓，重來覺地寬。兵聲聽乍遠，虎跡客相安。僧偈星前曙，畦蔬雨後盤。亂離遊不數，莫問夜鐘殘。

### 水西書院

昔賢懷供奉，今復憶文翁。繫馬鳴蟬落，尋碑曲徑通。遙情如有待，古調聽誰工。坐惜前峯暮，招攜未可同。

### 重陽後梓山續前韻贈月巖和尚

江素旌德

勝日重尋小有天，霜林橫上梓陽巔。繁華夢境寧如昔，烟雨山城迥欲連。幽澗桃花餘石在，毘盧佛火一燈傳。廿年回首知交好，書句依稀壁上懸。

## 寧國府志

### 卷二十五

藝文志 詩下

七

### 交山梅廳夜月

呂養中旌德

疎櫺碧紗冷，暗香夢初醒。月色入簾來，卧看橫斜影。

### 遊石壁次胡安定韻

方學成旌德

我愛石壁好，言來石壁遊。雙峯通天起，相對凌芳洲。巖壑互虧蔽，杳霭春亦秋。常惜李青蓮，登眺到南州。踏歌桃花潭，不知此境幽。胡公性好奇，題詩汪氏樓。文辭多藻飾，風致還復優。罔密競迴薄，林茂竹自修。愛此風日佳，玩之不能休。況有素心人，開樽泛金甌。莫茗引山泉，情深意氣投。川原洵已美，蒼翠迥欲浮。清興浩無極，新月燦一鈎。鳥聲發空谷，青谿白流雲。

### 汪少師故居

山光低映監書樓，况有居臨新市頭。萬竈春寒傾社甕，雙扉雨足長溪憮。御屏姓字元豐記，石壁詩章安定留。還喜頽瀟遺老在車中，又見發清謳。

寓西津步月

沈璠 宣城

西津淹作客新月且同看  
磴轉藤陰寂崖廻澗影寒  
尋幽開竹院選勝禮禪壇  
今夕青精供鄉心聊自寬

湧珠泉

王震 南陵

訪古華陽宅流泉鳴喜客  
客亦喜泉流清芬沁人臍  
不謂茲山中若與仙源通  
連珠湧地起根底於無窮  
天地大寂不可測鬼斧鑿  
空漏海國一氣噴沫千尺  
巖舍利牟尼波中得我  
昔弄珠坐石上石腹隱隱  
如雪蕩細心貼耳毛髮寒  
疑有神濤相沆漉誰識此  
中奇迥異華陽池嗟生治  
落地宜乎人罕知當年若  
遊元暉與李白碧玉闌干  
詩滿石

秋日登敬亭

汪如龍 宣城

笑兀昭亭古秋空霧氣清  
疎林羣鳥集紅葉數峯明  
謝李風期在江城景色橫  
登臨窮勝蹟不問白雲程

敬亭山和韻

吳瑞 南陵

凌高懷曠代謝李共茲山  
閣傲江城迥雲深古佛聞  
孤村疎翠下雙塔夕林間  
得句懸蘿薜風流未許攀

寧國府志

卷二十五

藝文志 詩下

圭

雲齊閣

劉燾 南陵

層軒凌北極勝事想南齊  
境許仙靈托詩留內史題  
千林成邃壑一鏡寫清溪  
不盡招邀興遙峯夕照低

北樓晚眺

范世瑗 仁和

樓踞陵陽脊凭虛足放歌  
名藍此地遍佳句古人多  
牧返風橫笛漁歸月滿簾  
登臨殊可喜其耐客愁何

山門洞

強式模 寧國 教諭

無勞鑿混沌巖竇本天成  
豁達開心目圓通愜性情  
村烟吞復吐山徑仄還平  
日映苔常綠風迴谷自鳴  
有時翔白鶴到此聽黃鶯  
更訪壑 剛樹摩娑不記名

登秀山

胡大价 涇縣

奇岫峙天半層巒盡俯臨  
眼光憑野濶心境入巖深  
日淡松無影風清竹有陰  
笑談俱不倚空存說傳奇

宿白花鎮

張長庠 繁昌

清靄香浮遠斜陽照白花寒蟬鳴古樹孤鶯帶流霞山翠吞雲脚溪光吐月牙夜深遲不寐鄉夢怯歸家

靈巖瞿樹

山門探異蹟老樹立蒼冥六洞根穿遍三花性發靈形同孤鶴舞翠掩萬峯青虛吹通巖化浮烟繞竈陘高標撐日月介節靖雷霆訪到幽棲處低徊想石劂

翠微寺

田榕 太平知縣

碧羅天外翠芙蓉記到黃山第幾峯古木千年巢野鶴清溪一曲度疎鐘飲牛絕澗遙相羨採藥靈岑不易逢聞道翠微深洞口仙家常有白雲封

題雲齊閣

曹學詩 歙縣

載酒借遊地看雲獨立時乾坤千嶂盡烟火六朝詩別夢飛花雨離愁挂柳絲孤鴻吹散後欲聚已無期

登南樓

寧國府志

卷二十五

藝文志 詩下 三

滿樓清景繞崇岡古木昏鴉帶夕陽曠野雲消天淡碧寒塘風靜水空蒼身閒最愛尋幽境歲暮都忘在異鄉指點北樓相望處人烟橘柚兩微茫

復遊南樓鼇峯諸勝

畫意詩情出郭多綠楊風裏聽絃歌野塘飲水驅黃犢魚艇依沙網白螺酒熟鳥從深樹喚衣香人踏落花過老農已課春耕罷靜向松根晒釣蓑

重遊敬亭

看雲曾倚北樓巔指點羣峯蒼翠懸緩步忽經斜照地置身如在落霞天秋林移鳥渾無恙客路溪山獨有綠願向藤蘿人境外一瓢笠學飛仙

同友人登響山

駱大俊 宣城

傍郭鬼窺俯千尺一望埒比何巖巖君遷古度立其上皮皴篆籀疑鐫刻天光不到氣黤黧烟局霧縞雲為緘下有深穴



波山骨神蛟舞戲饒且幾誰爲釣者嚴與賈楓根坐列無偏  
凡鳥巢在山食在水枯魚半向山頭銜菊花倒挂金屏影風  
起過船香滿飄陰崖九月曉寒重秋聲落地鳴衣衫愁遍盤  
切脚力盡婆娑藉草少長成我來欲問東西亭題字漫減誰  
剪芟人生著屐得幾兩伸手請探石室  
函綠綺絳鞞彈編山水夜看月色穿空出

訪謝公亭

有客歌騷占渡頭爲憑亭子駐離愁亂花幕地村前酒驕思  
穆人天際舟縹緲水雲高閣晚蒼茫風雨半江秋祇今芳草  
新林路五馬  
雙旌憶舊遊

敬亭阻雨留宿

吳璟侯 宣城

石磴巖猶上危樓晚更清半窻蒼野盡古木夕陽平谷暗雲  
將吐山鳴雨欲生政愁歸路賸檻外有逢迎

南村新柳和韻

眠起心情幾許嬌一痕春意逗江橋乍看掩却疑憔悴細認  
芳菲覺動搖二八舞腰空漢苑三千殿脚薄隋朝生來自是

寧國府志

卷二十五

藝文志 詩下 三

銷魂補不到  
花飛魂已消

翠微道中

杜 楚 太平

六六黃之峯振古凌霄漢清秋淨無雲爭來列几案寺幢天  
際懸樹色空中燦飛瀑幾千等高風吹不斷俄然吐烟霧近  
遠山峯亂圍如大海濤浩淼靡涯岸少焉嵐氣收秀嶺芙蓉  
纒吊古憶軒轅修真絕塵絆嗟嗟蜀世人俗骨曠能換青精  
自可求丹鼎還堪鍛逝  
將訪浮邱且夕烟霞畔

琴高曲

趙青藜 涇縣

涇川城北琴溪峯下有一洞開玲瓏道是琴高修煉處丹成  
御鯉培天風我聞斯言憂心忡茫茫望緒埋虛空秦皇漢武  
誤千古至今海上誇瀛蓬吁嗟民之質不復羞雷同誰與圖  
象茸君不見琴溪之山茹可採琴溪之水鮮可鮪豫龍爭地  
呈變態秋月春花勝事在朋酒歲時會凌  
絕頂放眼雲天外尸已解何須問藥津

猷州刺史歌

唐家武德七春秋輔公拓叛圍歙州是時刺史左難當手提  
浮鼓登城樓一戰再戰聲不絕淨捲妖氛地天詔守疆域四  
郊多壘大夫辱無能未雨心已促試問隋大業之中原如鼎  
沸何以安堵看迷塵不是刺史先得地大半戰場鬼夜哭我  
歌兮歌不足拜公廟柏山麓門前  
沽水年年流何似淇泉咏葉竹

登北樓望敬亭諸山

鍾穎源 宣城

登樓頓覺豁塵氛清曠溪山帶夕暝醉後何妨吟霽雪身閒  
直欲化孤雲峯橫女几烟中出水落雙橋樹裏分內史風流  
今再見願將  
餘韻繼諸君

咏宣州紫毫筆

沈正曜 宣城

獨有宣州筆千回鄭重看名從白傳著製揀紫毫難管直心  
先正鋒藏體自端資會供御案價早重詞壇往事閒能述高  
吟興未闌頭鬚知  
尙在應共比琅玕

春日登螺山

梅理 宣城

寧國府志

卷二十五

藝文志

詩下

七

一試尋山屐憑高眼界清蘊空雲變破穿樹鳥縱橫浩蕩人  
間世幽閒物外情蓬萊殊不遠真欲御風行

歸自雲山道中

王田年 宣城

振策青巒下紆徐路幾重雲深不見寺山靜忽聞鐘野茶平  
田碧秋花小樹濃那能捐世事卜宅向高峯

華明秀軒故址

俞綬 宣城

雨止山益空野香媚幽獨翠微躡逶迤一放千里目昔事斷  
苓叟長鏡托白木筠籃夕陽下突兀見此屋歲月苦未晚階  
基肆空曠興廢念  
千年事往不可復

望水西次敬菴韻

趙知希 涇縣

署壘危樓接遠林平分烟雨一溪陰招提有客穿雲出沙浪  
孤舟帶雨沉瓦翼漸看三寺廢松鱗應比六朝深不堪更話  
風光事流水  
高山懶譜琴

水西雙塔

玉笑初排梵國衙  
唐風宋雨礪金沙  
三山斷嶠東西台  
一架琳梁歲月賒  
自是瓦棺開並蒂  
何年佛塚墜雙牙  
諸天不盡莊嚴興  
搖碎天門五色霞

水西懷古

趙希文

涇縣

灌木喬松覆古堤  
香臺回合抱溪西  
梵鈴響逐風相激  
塔影雲撐天與齊  
不少青山堪對酒  
居然元賞漫留題  
憑闌爲問千秋事  
極目荒烟野靄迷

雲淨秋山絕點埃  
清流一曲抱溪回  
問津幾失桃源路  
招隱將尋釣叟臺  
晉代忠魂鄰古寺  
唐家詩客醉蒼苔  
塵心到此消除却  
惆悵西風作賦才

賞溪烟樹

薄暮人爭野渡喧  
迷離靄色隱漁船  
溪邊樹子青多少  
半擁前村晚幾烟

東山遠眺

趙司直

涇縣

寧國府志

卷二十五

藝文志 詩下

七

閒處看雲起  
勞心頓欲空  
呼松爲酒伴  
扣石當仙翁  
烟暹秋山白  
楓飄晚澗紅  
荒臺千古木  
回首渡孤鴻

再宿曹溪般若菴

趙玕

太平

細徑層層隱危蹊  
步步艱攀躋  
憐我老山水  
贈人閒夜靜  
聞天籟  
鐘幽見佛顏  
瀑聲聽不厭  
夢裏亦潺潺

游棲真山

陸之瑜

宣城

勝引棲真地  
羣峯侍法堂  
袈裟飯衲子  
龍象護空王  
松翠棧裾濕  
雲容按座香  
林端延夕照  
幽抱寄蒼茫

雲谷道中

曹鈞

有意尋幽勝  
難辭梯陟勤  
身從石隙出路  
轉壁巔分宿  
靄將離樹迴  
風漸破雲憑  
空懸瀑布  
繚覺雨紛紛

題湯口程氏山樓

屋上飛泉屋下溪  
開牕却與碧峯齊  
門前便是登山路  
轉過松林直向西

龍門頂

萬麟

太平

千歲松杉篆老莓芙蓉雙劍劈雲開奔泉瀉石低飛鳥欲覓  
仙源何處來

龍潭

饒學孔 寧邑

惟石嶙峋古洞幽一泓雲裏響龍湫山中神仙甘長蟄何日  
為霖遍九州

奉聖山僧閣

袖拂孤峯上碧霄長虹千丈跨飛濤白雲片片皆相識何必  
洪崖手更招

西山尋虞隱君遺跡

梅芬 宣城

何年此棲隱一徑入崔嵬我憶高人蹟天留古石臺秋前叢  
桂發雨後亂泉來好借誅茅便青松子自栽

巖籬寺

王雲龍 涇縣

不敵龍湫近十年重來詩思在花前碧雞已斷吹敗響黃鶴  
猶怪閣筆篇洞口晴綃橫古木潭心寒玉帶遙天避秦何必  
桃源問咫尺  
琴高是釣仙

寧國府志

卷二十五

藝文志 詩下

其

黃華嶺道上

一肩搖曳仙源路齒齒粼粼嶺路長忽見平沙橫鴈鶩恰當  
斜日下牛羊山阿幾樹楓初赤籬落誰家柿半黃地僻氣寒  
秋穉晚蘋風  
杭露王交香

雨中過琴溪山莊

王雲蛟 涇縣

雲埋山磴險策杖步蹒跚野路飛花濕孤村入雨寒綠肥迷  
遠浦溪漲失前灘欲擬芳園任愁看春易闌

秋日園亭

荒居無轍跡日午露方晞種藥多依水著書常掩扉竹喧知  
鳥過山靜聽雲歸客至臨流酌溪中菱芡肥

烏溪道中

王韞

松歷小橋崩烟嵐疊幾層過流安水碓移屋就漁罾瀑落晴  
飛雨山行翠滴冰自憐于役者深媿白雲僧

壬申三月因公過宣城登疊嶂樓有作

王勅

存天融融春日和壯觀兀坐追雲阿拓窓送日聚尺咫何必窮巖歷各攀烟蘿郡閣高齋存製古北樓巒嶂更名多登臨跋足緬疇曩秀削惟見青盤螺池酌風琴往流宕飛花落絮今無何晴空如畫入明鏡滄洲趣洽江之沱殘碣相看與越謫僊恂恍臨風歌梧桐葉拙新雨潤盤石點注蒼清濁古賢名迹動留賞江山與約垂不磨時當清晏極明盛宿莽連匿空么魔宛溪隱隱烟波嶼敬亭歷歷雲迴波茲行自公及三月得不留駐欣一過餘霞綺散遠思斐然集洗盞却視危檻秀出喬林柯

### 懷敬亭山色

敬亭山色環幽區欲洗塵容對山去仙靈迹在有無間烟草叢抽來往處過雨雙條碧漾溪斜陽一點紅迎樹悠然靜會太白詩飛空鳥盡雲還住

### 讌謝公樓

帥家相廣德知州

太守微元暉誰從發高興前身非金粟亦得領佳境丹臺三百尺川陸俯明觀高揖敬亭雲遠瀚東溪淨脚底千珠雄眼

### 寧國府志

#### 卷二十五

藝文志 詩下

七

中萬家盛天風不停吹等竊發清聽屑顛黍芳讌鷓鴣敢不整舉手傾流霞酣歌入疑靜古人日寂寞吾輩續餘勝樓榭已千年淵期自茲訂

### 雲山洞歌

熊羆守穴遮王屋未知中有白蝙蝠懸險捫幽心所適秉炬入之凡幾曲灣環躡躑青泥痕合巒驚疑白猿宿虎牙銅柱互稜刺鬼整神般齊一哭至今石乳尙交流怪底金城隱深腹飛來燭龍銜火珠照曜白日無糶糊瓊樓瑤閣敞洞達玉幢珠絡明紛敷蓬萊羽人右王母招我列坐對醍醐離奇誕譎事固有設想恐或真吾娛三花頃者聚靈蓋五岳昨夜貽真圖出洞茫然心若失却道希仙要仙質赤日葬壽繼兩眸反視岩中黑如漆安得離塵住丹窟

### 秋初重登北樓漫賦

雙慶安徽提學

宛陵太守最風流有約招登小謝樓對酒忘情皆伴看山引興是新秋數株老樹簷前立一片閒雲檻外留却趁公餘奪勝蹟徘徊欲去思悠悠

北樓文譙用青蓮韻和劉蘭谷

宋 學知府

宿雨洗巖岫開尊俯碧空千山紫薄暮兩水映殘虹婀娜三  
眠柳蕭疎百尺桐高齋留勝地貯月待庾公  
登樓興不淺飛翰灑長空杼柚文成錦氣吐虹清歌發  
萬籟幽賞寄孤桐載續青蓮句臨風愧謝公

秋初登北樓和韻

六館君宗最上流閒情偏繫謝公樓冰心玉照千潭月彩筆  
珠霏一葉秋自問詞符慙政績欣逢勝地為勾留高齋自此  
傳佳句不羨  
青蓮逸韻悠

夏日登北樓

朱肇基 太平知府

元暉高韻至今傳風雅多君似昔賢屏擁千峯紫岫隱臨  
二水吸清泉夙叨梓里葭莩契差託江城襟帶聯此日登樓  
同眺望綠楊  
影裏聽鳴蟬

路過琴溪

寧國府志

卷二十五

藝文志 詩下

夫

琴溪遠却接涇溪堤號曹公路徑蹊山鳥依稀幽語細針魚  
漾碧化鱗齊沿陂竹樹濃陰覆傍岸郵亭行旅棲却喜甘霖  
連日沛芄芄  
稔稱滿平畦

新脩半月臺落成夜集

張宗棟 繁昌

凌虛傍巖築初平上得丹梯夜氣清半月新承全雨露千峯  
舊擁一江城謫仙酒渴銀河動內史詩成斗柄橫縹緲恍疑  
身境幻冰心  
懸處獨空明

夏日宋太守念庭招登古北樓

胡士鉉 歸安

老綠叢中豁遠眸高齋名記古宣州山披畫稿當窻出雲破  
斜陽隔樹浮此日元暉方領郡他年玉案憶登樓酒闌其話  
憑欄興涼葉  
風前聽好秋

北樓懷古

劉 毅 宣城

高俯陵陽入望平樓邊畫裏舊江城敬亭山色春如沐宛句  
溪聲曉更清紅葉千秋傳韻事青蓮五字寄深情憑欄此日

臨風客又見  
桃花隔浦生

### 宛陵宋太守招飲北樓

商盤會稽

休論官職與聲名人境冷然一樣清  
解薦嘉觴持綠蟻未宜城是謝宣城  
開尊爲我洗塵顏高倚孤雲落照間  
詩意忽來濃似黛今朝初識敬亭山

### 山門懷古

宋斐寧邑教諭

絢想瞿硎叟高風擅千古  
羨憩寄山阿齒齒石作廡晉室尙  
虛聲盈庭盡孃姥深源無遠畧  
猗兒逞跋扈新亭倒板迎流  
汗畏如虎爭似先生高脾晚若無  
根伴魚披鹿裘上謝詎足  
數至人本無名得非黃石伍我來  
石室下再拜瞻堂斧縹緲  
雲樹間乘龍欣步武

### 夏五登敬亭

當年有仙客雅愛敬亭山  
我昔曾至止廿載別屣顏偶因池  
草尋昔夢還攜筇杖叩禪關  
山靈顧我非生客交藤繆蔓爭

## 寧國府志

### 卷二十五

藝文志

詩下

七

相板初從寶華訪古蹟浮屠面而面  
同遺簪瞥見奇峯亘百里穿竹披榛  
憇小菴雲齊額珠拔地起千巖萬壑  
互延環咫尺恍隔人間世迷離洞府  
擁層嵐麻姑笈繪舒鳥瓜天門跌蕩  
窮躋攀子明騎鶴來山半仙女吹簫  
響玉環羣真續紛並酬答安知謝眺  
李白今不在其間吁嗟乎二十年頭  
一瞬耳桑田滄海幾塵寰莫向裴休  
問智井長隨黃蘗證真詮青蓮還美  
衆鳥飛內史終爲組綬耽何似瞿硎  
一老叟披裘五月正閑閑

### 宛陵懷古四首

小謝高齋在千秋猶仰止如何秉筆者  
韻事逸青史可憐李供奉空對敬亭山  
寂憇孤雲在騎鯨不復還何處好谿  
谷魚書傳秘錄垂綸訪子明矯首望  
黃鵠浮盃渡宛水斷際吐紅蓮香香  
名言絕拈花誰問禪

### 再登北樓

日月樓頭坐翠微江城如畫弄芳非  
白雲深處青溪曲爲愛青山不疑歸  
見說陵陽第一峯江邨梅樹影重重  
元暉不作謫仙遊愁倚風前聽晚鐘

晚泊西溪

萬山深處一扁舟，落葉隨風暮景幽。百頃澄波涼月上，令人却憶五湖秋。

三溪道中尋金正希江文石兩先生題壁

汪洪度 歙縣

峭壁排空青中劃，兩崖破懸泉亂穿。礧突兀蒼石大鳥鳥綠崖轉行旅倦思坐，聞昔金先生。廈傾一木荷，揮戈志不遂。被執此中過，時有江烈士。鼓拿相慶賀，成仁志獲伸。豈復懼力對浩氣相卷舒，此唱而彼和。先生奏國碼，弟子歌楚些。一字一滴血，聞風振屏懦。驅馳歷險阻，徑仄防跌踈。疎松擊百曳，叢草綠萬箇。烟嵐與天接，幽響聽風作。題字久剝蝕，一半苔蘚宛留待拂拭，人千秋涕洟墮。

梓山寺閣

梅立宗 宣城

舊識茲山勝，重來結伴遊。人家忽外盡，雉堞望中收。鑿石開僧徑，飛雲接縣樓。翻因憑眺處，轉憶敬亭秋。

柏山寺

馬文開 宣城

寧國府志 卷二十五 藝文志 詩下 八  
青山意所投，白社此來遊。初地空聲相，孤雲淡去留。寒歸梧葉晚，香蔓荳花秋。坐久成清契，流泉無盡流。

稽亭仙人巖

稽亭山傍路，何曲水環流。峇鳥還啼午，林蟲早報秋。綠雲農父宅，白浪估人舟。坐久重回首，臨溪看浴鷗。

靈巖瞿樹

程 寧邑

靈巖之山環萬谷，離奇秀聳寧川獨。洞門中豁若天開，飛來靈鷲落塵寰。旁有老樹參天立，輪囷虬姿青銅顏。一幹三枝枝各別，黃檗桃柏粉更迭。嚴冬紅果綴枝頭，火齊焰焰潤冰雪。其種其名總莫傳，世稱植自瞿剛仙。鹿裘石室高風渺，此樹長留嶽岑巖。嗚呼樹兮名與瞿仙共，千古甫柏祖松未足數。我來高枕白雲邊，閒看子鶴啣枝舞。

水西吟

水西一路草如茵，更美林間雨後新。短笛數聲牛背穩，清幽原止屬閒人。

望桃花潭



桃花潭水近陵陽，潭上春風滿石梁。流水不隨仙客去，秦人何必渡三湘。

琴魚

程邑

丹竈成時餌變魚，魚今作餌竈丹虛。仙人若有憐才意，彈劍歸來三月初。

旌陽十景詩三存

呂光亨

旌德

勝地足招邀，春晴物色饒。烟光分兩岸，波闊接三橋。乍可誇塵俗，誰從避市囂。數聲鳥語滑，暗柳綠條條。三橋鎖翠壁，立高千仞嵯峨。鏡倚空兩崖，相對出一水。自中遠車馬歇，危磴波濤鬪。巨壑當關安虎旅，氣勢若為雄。石壁對時列岫橫，西嶺玲瓏疊。玉屏嚴風增，薄暮冷色上。寒庭誰宿丹爐火，重緇梵宇經。竭來歌白雪，試更問仙靈。棲真積雪

鼇峯

徐哲

鼇峯幾度醉，霜華東望蓬萊不見家。何日相將涉清淺，玉樓春水咏梅花。

疊嶂樓看雲

張汝霖

宣城

寧國府志

卷二十五

藝文志

詩下

全

傑構凌層嶽，春雲送遠眸。密扶紅日起，高貼碧天流。練影空江合，虹光並水浮。欲飛投鳥背，如畫罩城頭。遊目窮千里，晴輝動一樓。風前依棟宿，曙後向窗收。綺共餘霞散，青籠遠樹稠。步虛知有路，作賦已無儔。伴鶴翔寥廓，從龍卜勝遊。高風希謝李，今古思悠悠。

北樓文讌用青蓮韻和呈宋太守

燕處琴尊興，清時簿領空。交疏花映日，複道柳藏虹。官饌先登韭，賓儀幸賦桐。襄陽新樂府，太守是山公。

遊敬亭山翠雲寺

施念曾

宣城

曲逗初幽僻，攀藤渡石橋。松風寒古寺，樵路出重霄。廢碣尋僧訪，山禽向客招。空濛青不盡，春樹萬家遙。

登南樓

霜寒木脫遠山多，童冠登臨共踏歌。爽氣西來隨野鶴，虛牕北望揖晴螺。詩從落葉聲中得，人在雲林畫裏過。好待杏花春雨後，憑欄綠野看烟蓑。

改河竹枝詞

僧元理

漲渚重翻舊渚注草青鶴步深泥沙嚴令行借力奇捧賜官  
日日碧油車  
碧灣將變酒家村草屋重招白也魂昨夜夢中聞款乃細爐  
幾隻到山門  
柿樹灘頭爭晒網遺民空土重垂綸準期淡淡桃花水杜尾  
沙頭日數巡

登高峯亭

釋普智

天濶孤雲淨峯高巨壑冥崖奔千丈白杖拄萬重青世外從  
喧寂寰中得秀靈登臨壯逸興俯仰倚檐楹

秋日過陵陽宿慈仁寺

杜翰英 太平

紛紛下木葉秋氣滿荒灣林迥迥衝日溪流曲抱山人隨飛  
鳥倦僧與白雲閒勝果傳黃粟流連清話間

擬謝元暉遊敬亭山

王令沛 太平

白雲抱絕巘遙望敬亭齊夙昔懷名勝茲更理幽棲蜿蜒亘  
百里委蛇屬雙溪下搗泉高急上枝巖緣低時有馴鹿過得

寧國府志

卷二十五

藝文志 詩下

全

聞珍禽啼旭日徑猶濕深谷露方淒探奇經絕道觀古歷曲  
蹊憑欄原野迥極目江城迷回首從山寺盟心履石梯下車  
多暇日矣  
志庶無睽

登遊山贈盛右崇

張鍾琬 太平

遊山之類上與雲連俯視一氣點點齊烟以期以翔高揖羣  
仙解遊之曲如往而復瑤草琪花紛紅駭緣彼美棲遲其  
人如玉解遊山之傍可以相羊言採其  
芝玉液充腸清風徐引一枕羲皇解

南樓小集

賈霖 寧國  
教授

謝公北樓外高樓是南樓古木森蒼蒼清風接鹿裘虹腰低  
遠岸綠影曳澄流舉酒問情侶何如謝李遊

宣州劉貞女詩

百年華一絲一絲即為定豈必效雙棲始云真並命  
婦以夫為天夫死復奚道不羨並蒂花寧作獨活草

水西懷古

胡承譜 涇縣

一望嵯峨杳靄深，水西山色碧沉沉。居人尚說唐天子，詞客空悲李翰林。灘聲遠從峯外折，鐘聲靜向寺中尋。陵巖素舸無人問，好與提壺發醉吟。

乍覩疑是輞川遊，峴嶽絕勝瀟湘杜若洲。僧出花間風引棹，塔懸林表月遮樓。仙人故井生秋草，漁父空臺滿夕鷗。眼底與衰唐舊物蒼松千尺不勝愁。

### 遊石嵒山次壁間韻

亂峯環繞一峯巉，杖策尋幽到石巖。古寺雲烟隔鐘磬，高秋風雨滿松杉。掃除世事經千卷，摩蕩愁懷劍一函。我欲吟詩登絕頂，長空飛鳥夕陽銜。

### 悠然亭

王政宣城

城南秋色迥亭際，野雲封古堞。虛懸塔深林，忽度鐘烟籠。溪一派虹斷岫千重，遙識前山翠。褰裳獨倚松。

### 響山

郭夢松宣城

## 寧國府志

### 卷二十五

藝文志 詩下

全

何必石鐘好，茲遊覺有靈。潭空自鏗鏘，山迥忽雷霆。寶子垂綸處，中丞宴月亭。錫名良有以，高枕石頭聽。

### 遊敬亭

管能魁宣城

醒醉忘機杜俗緣，飄然裙屐散輕烟。雲深谷口誰為主人到，峯頭便欲欲仙鶴徑細穿芳樹遍。石門斜帶古藤牽，千年謝李風流在搔首。詩成欲問天。

### 澄江亭

程摯休寧

最愛澄江練，清溪百尺流。片帆當落日，一雁正新秋。樹色蒼茫見，城煙靄靄收。詩從天半得，人在鏡中遊。

### 夜宿獅子峯

王麟昌太平

夜寒不可寐，始覺衣衾單。松檜攬天風，萬竅鳴哀湍。蕭瑟聒兩耳，聳神清肺肝。吁呼僧問所以秉燭話，更闌拔地數千仞。離天尺五看星斗，夜可摘六月生畫寒。飛塵不能到，猿狖藉以安。信是神仙宅，吾嗟卜築難。何時舍妻子，於此恣盤桓。

### 邵家灣東溪垂釣坐望涇東諸山明秀可賞

胡元輝涇縣

伏處偶無事來釣東溪東川原一以攬平楚皆春風花浪瀾  
十里中有溪路通硤石似虹橋張網如漁龍泛泛聚漁子落  
落隨鳧翁泥暖燕嘴柳黃鶯蹤生對西南山鶴頂龍頭  
密袖回睇東北秀黃霓絡九峯紉四圍葱翠裏一氣寒綠中  
蒼蒼鬱無極渺渺誰與同一釣釣得鯉素書差可封再釣釣  
得鱸沽酒呼奚童夕曛林陰收暮靄波容翳髮烟碧王淨水  
其山蒙濛深人生際清曠對景殊昭融不脫蓑  
笠歸屨畫難爲工試過三十年處處桃花紅

### 三天洞和施愚山侍讀韻

張懋德 宣城

奇險憑誰鑿玲瓏一指開漏天初若雨深穴忽聞雷障濕潛  
虬出燈明仙鼠來宜搜休恐怖身在法王臺

### 勞山謁吳正肅墓

佳氣慈龍自有神松楸萬木擁河濱春深杜宇猶啼血好拂  
殘碑認黨人

### 蔡后山乳洞和愚山先生韻

吳士憲 宣城

石室懸峯頂凌虛仙隱家丹成雲滿壑客到鳥啼花萼茗分  
山波歸蚌噴晚衙東山題句在咳唾落金沙

## 寧國府志

### 卷二十五

藝文志 詩下

古

### 次張碧崖遊琴溪韻

湯尹燮

密篠常晝陰奇峯百竅護杖過溪橋穿林多枉路度窮探  
幽情頗得烟波趣在昔聞琴高控鯉從此去我來訪遺踪谷  
隱心所注綠崖拂苔石誰釣斜陽渡春草碧遊滋春水綠如  
故人生易衰老年光驚暗度仙客幾時還紅顏何由駐嗟哉  
塵中人乃以名鉤誤長嘯來清風默  
坐倚孤樹洞口生白雲琴高不知處

### 三天洞

梅鈐 宣城

河口始軒敞入門愈微窳不知天地間凡費幾錫鑿巨靈闢  
精奇神龍此蟠托陽崖穹隆覆陰阜大厦拓深壑虛岩懸壁  
峭平如削鳴泉通海眼暗洞達五嶽仙窺門開處直拔九重  
嶽玉女成雲屏桐樹露日脚我來龍過去石間尚學鸞吼鳴  
噴波清雷遠怒樹搏其風從空來巖上雨常落絕境與無窮  
側足瘴且洽呀龍穴此山靈氣日騰躍安得夸蛾子移負置  
京洛將雨潤四  
方衣被天下樂

### 望敬亭

洪均 宣城

煙竊層疊水滂浚久客新歸似夢還身到故鄉迷遠近逢人猶問敬亭山

### 三天寺

朱恒宣城

排松比竹影廉纖踏蹻攀林快遠眺一簞闕青樓田視忽峰分翠接於潛人來地底風侵袂泉落天中黛滿簷人夜臨殿能聽法蒲團深擁誦華嚴

### 雲巖山

鳳扇連文脊陰森接古靈溪流吳水盡雲斷浙山青米木丹歸鼎馴禽鶴有經凌風生羽翼峯頂揖瞿矧

### 秋日重遊大山

翟翬涇縣

訪舊亦尋幽草堂古舊遊綠崖一徑入當戶數峯秋鳥語蕪深塢鐘聲殿古樓竹扉局未啟長歎倚松楸

### 山門洞

胡先抱涇縣

洞天軒豁如城府倒截青天作門戶巖巖飛入萬重雲欲上高天無幾層通靈之西柏樹東橫空隔斷東西風中羅洛洞

## 寧國府志

### 卷二十五

藝文志 詩下 全

七十二身未上天先入地仙臺如此亦壯哉靈溪乃自天目胎山靈移勒石尚煤却為當年和溫來

### 己未春日泛舟遊敬亭山

呂坊旌德

片帆逐水若移山忽覺山來指顧間何處繫舟風景好綠楊叢外海棠灣青蓮擁翠獨題詩風景流傳憶曩時斷碣殘碑無舊搨留名僅有七賢祠

### 游靈巖懷瞿矧先生

鮑社寧邑

靈巖如削出劉鑿絕無痕洞敞天為蓋山空石作門莓苔封歲月鐘鼓報晨昏自有先生後高風孰比倫

### 碧雲洞

仄徑容身入危梯得未經雲分千縷碧山裂一痕青虎穴生風冷龍湫過雨腥幽深採不竭翹首正真真

### 夏日雨後大山微步

僧演真宣城

連朝陰雨後大火欲流光密竹含殘滴高松入早涼池蛙聲暫斷巢燕語偏長薄暮無人過雷猶殷耳傍

遊白雲山

黃江起 南陵

山泉遠落白雲塢細石疎林夾溪路迨尋泉脈到峯頭峯頭  
白雲其來去豹兒嶺上柳夕暉獅子岡邊空翠微一抹霞連  
荻江水千嶼鴻雁秋雨飛我欲  
因之乘雲上白鶴仙人歸不歸

宛陵春雨初霽

吳讓恒 涇縣

山城烟火翠微間宿雨初晴午夢還屋角綠楊聲滴瀝風前  
黃鳥語間闌才人酣戰方矜勇幽客偷安轉愛閒還有昭亭  
名勝在何時  
着屐共追攀

偕拙山兄暨愛庭景阜心如三弟遊敬亭山卽席分賦

獨有昭亭古登臨興自長烟中雙塔暝杯底萬峯蒼飛瀑迎  
高閣江城近夕陽孤雲與衆鳥今古一茫茫

宣城道中作

周光隣 黎陽

宛陵春草醉晴暉芳樹新鶯耐客聞駐馬看山懷謝李北樓  
風起敬亭雲

寧國府志

卷二十五

藝文志

詩下

六

琴溪

未識琴魚味琴溪記再經洞澗春澗涿雲劈石螺青石氣含

烟暝桃風帶雨醒長橋倚欄處小憇愛清冷

赴石埭道出陵陽

訝是蠶叢路雲生傍馬頭劃天千疊嶂扼地幾重樓瀟湘  
生兩崖高樹易秋十年憶塵夢曾此入宣州

春日柳橋赴宣郡

顧鏞 荆溪

春回人作別客子倍思家勝地曾孤詠芳時漫落花元暉隱  
豹處太白躡虹遐淮海一明月江天空暮霞

按古今篇什有闕于宣州風土者不勝搜錄蓋由晉迄唐  
名流觴詠秀句佳章久供膾炙卽自宋代歐梅酬贈之吟

國朝施王賡和之作足步武前賢而輝映川淑者亦復層見疊

出前所登載尚慨遺珠今更採有關係之篇附列于後云

送李觀之宣州謁袁中丞賦得江渡

唐張衆甫

古渡大江濱西南據要津自當舟楫路應濟往來人翻浪驚  
飛鳥回風起綠蘋君如波上客歲晚獨垂綸

送友歸宣州

耿漳

失計復離愁君歸我舊遊亂花藏道發春水遶鄉流暝火叢  
橋市晴山疊嶂樓無爲謝公戀吟過晚蟬秋

獨孤常侍北樓

張南史

背漁敞高明憑軒見野情擬回五馬跡更勝百花名海樹凝  
烟遠湖天見鶴清雲光侵素壁水影蕩閒楹俗賴寒帷問人  
歡倒屣迎始能崇結構獨有謝宣城

送僧歸敬亭

許渾

十年劍中客傳盡本師經曉月下黔峽秋風歸敬亭開門新  
樹綠登閣舊山青遙想論禪處松陰水一瓶

廣教寺題清越山房

張喬

寧國府志

卷三十五

藝文志 詩下

八十七

重來訪惠休已是十年遊向水千松老空山一磬秋石窓清  
吹入河漢夜光流久別多新咏長吟洗俗愁

經宣城元員外山居

無人襲仙隱石室閉空山避燒猿猶到隨雲鶴不還澗荒巖  
影在橋斷樹陰閒但有黃河賦長留在此間

寓開元寺精舍酌薛秀才

許渾

知已蕭條信陸沉茂才無病臥西林菱荷風起客堂靜松桂  
月高僧院深清露下時傷旅鬢白雲歸處寄鄉心勞君詩思  
猶相憶題在空齋夜夜吟

寄劉太真

韓翃

長安道上落花朝美爾當年賞事饒下筇已憐鷺美開籠  
不少鴨媒嬌春衣曉入青陽巷細馬初過皂莢橋相訪不辭  
千里遠西風好借木蘭橈

送通禪師還隱靜寺

李白

我聞隱靜寺山水多奇踪若重閉公橋門深杯渡松道人制  
猛虎振錫還孤峯他日南陵下相斯谷口逢

夜宴南陵留別

李嘉祐

雪滿前庭月色闌主人留客未能還預期明日相思處匹馬  
千山與萬山

送弟良臣歸宣城

宋梅堯臣

喬木句溪邊秋光幾曲連將歸三畝宅遠寄下江船伴爾惟  
征鴈悲余有暮蟬親朋如見問貧外似當年

宛溪濟川橋成

王璋

二水元暉郡雙溪李白詩江山遺蹟在惠政大賢知鼎石砌  
湍瀨飛梁跨渚涯仙宮鼉鼉星漢鵲參差不礙乘槎客翻  
思踏浪兒人從襍席過功類鬼神為利澤通  
千里歎呼共一辭吟詩欲題柱記取落成時

和馬都官宿縣齋

梅堯臣

常愛陶潛遠世緣阮家仍有竹嬾娟夜深風撼蕭蕭響誰憶  
北窓人正眠

寧國府志

卷二十五

藝文志 詩下

八十八

北崎湖

葉道卿

泛舟南崎行先從北湖去水外淨浮天雲中藹無樹

送沈少林請告還宛

明許國

十月燕山霧天低日欲沉寒蟬空抱葉獨鶴迴來林草沒王  
陽道臺虛郭隗金君親千古事感慨一禱禱

送湯嘉賓遊諸名勝

袁宏道

碧渚蒼雲路長帆幾葉還趁秋行九子攜樽看三山採藥囊  
溪見映花日戶關孤藤雙竹屢聽盡水潺湲

寄宣城施允升

焦竑

敬亭形勝地未易賞心諧以爾譚經日兼之邱壑懷泉聲喧  
澗曲山翠落空階向夕門人至清燈對夜齋

贈梅大猷

趙欽

昔為同省客今作獨醒人不此滇南馭應憐谷口春自甘三  
畝薄深愛百年身余亦懷歸者何緣共隱淪



寄梅禹全

王寅

自得知音者相思三載餘客遲秣陵返題寄敬亭書老息塵  
中網歸營谷口盧君懷經世畧互莫問漁漁

寄蔡大美

顧夢遊

今年君不出口豈無憂未必山田熟多因小婦留路難僧  
不免網密黨方鉤較是饑堪恐飛鳥且漫投

寄宣城學正徐伯初

陶安

官燭依然淚滿臺望中溪嶂似蓬萊登樓幾度碧雲合對酒  
獨看明月來松葉連簷霜後好梅花喜客牋前開榻毡未覺  
如冰冷弟子森森有異才

南陵遇馮儀部修吾

李先芳

客自廣陵還相逢大道間有懷俱莫問得酒即開顏忽忽城  
東陌依依江上山期君何處別直到水西灣

送殷無美之宣城訪沈君典

王世貞

寧國府志

卷三十五

藝文志 詩下

八十九

當時蹀躞竟空羣頭腹俱龍尚未分氣業三關股併嗣人倫  
一代沈休文西山霧隱人如昨南史風稜始獨開此去采芳  
攜手處誰能不妬敬亭雲

贈沈寧海將軍

葉向高

二十年前早識君酒酣曾誦豹韜文天涯久憶鴻書斷海上  
頻傳露布聞家世龍圖推太史功名領屬將軍扶桑回首  
無烽火簫鼓樓船日正曛

贈沈將軍

曹學佺

平生生意氣邁戎行太史家風自慨慷然諾不曾侵季布威名  
何必滅龍蟻操戈海上看雲靜欹枕山中覺日長咫尺沼池  
神物在夜深寒月照蒼蒼

歲暮寄吳福生

文震孟

快雪時晴臘欲殘竹窻懶慢不簪冠泥塗滿眼情無賴松柏  
凝姿歲已寒煮石仙人生有分焚魚學士舊向官客來莫話

寰中事齋物  
逍遙好曠觀

寄邱峯許夫子

葉向高

十載音鄉恨已遺  
人行書信到還稀  
相期宣室有前席  
何事青門竟拂衣  
桃李春風頻有夢  
蒹葭秋水渺難依  
離心一片隨征鴈  
欲傍江雲土釣磯

入南陵和聶道長韻

馮恩

江閣晴開雲霧收  
壯懷匹馬未淹留  
猿啼野樹空庭寂  
楓落林塘故國愁  
是處絃歌幾化理  
誰家砧杵動清秋  
簡書畏我慚無補  
北望涵涵燕水流

公餘感興次韻

沈堯中

庭草青青狂狴虐  
子規啼處樹扶疎  
年來水旱猶難卜  
詮次三吳水利書

南樓柳

國朝 魯一貞

寧國府志

卷二十五

藝文志 詩下

九十

南樓樓下柳依依  
搖蕩清風弄素暉  
鄉夢盡教牽挽住  
過江一月不思歸

宛溪

毛銜

宛溪八九月秋水遶  
溪生吾尋宛溪路  
還愛謝宣城樓日  
簾皎溪花近岸明  
行遊垂盡處遙聽  
棹歌聲

泛舟青溪登響山

王國相

同舟敦夙好林壑一  
帆收影落人如畫  
風生樹欲流青溪  
仙碣古赤壁釣臺  
幽簫鼓雙橋晚殘  
陽下隴頭

翠雲亭

劉燾

亭虛空翠落到此淨  
餘氛乍歇峯頭雨  
平封礪戶雲竹光  
迷宵露花氣剩氤氳  
已覺名藍近鐘魚  
幾度聞

焦村驛古松

張羽皇

古驛對蒼松荒亭積  
翠重不蒙天子顧  
敢望大夫封白日  
長疑雨陰風忽作  
龍莫隨凡木看孤  
異是三冬

秋日同人遊敬亭

彭光斗

策杖盤空上紫紵石磴危岑雲深裴寺紅藥冷粘碑院古僧  
無語憇虛竹暗窺從來耽寂趣小憇亦忘疲  
亦知看不厭其奈通斜聊蔭樹茅容去登樓王粲歸陽雲雖  
得伴勝地復相遠回首青峯合祇應妬鳥飛

天逸閣

唐允甲

東風駘宕緩長顏傑閣麟晦試一攀身近雲霄通遠矚烟凝  
翠靄識春山藏書洞有丹霞在招隱人同野鶴還倒載芒屨  
歸欲暮夕陽  
斜映竹松閒

送陸處實教授宛陵

沈荃

一尊相送白雲間千里揚鈴出漢關  
秋色敬亭山鄭元名重傳經遠楊子才高問字還最好振衣  
江閣上風流  
誰許共追攀

送馮天真還宛

張梧

小邑荒殘瘴未收送君歸思逐扁舟  
應消去國愁分手依依南海月傷心歷歷敬亭秋鷓鴣聲裏

寧國府志

卷二十五

藝文志

詩下

九十一

塲堪斷寂寞  
千山獨倚樓

訪劉光祿春穀

梅庚

燕臺花月憶同論幾欲陳情未敢言  
朱紱亦皇恩才名猶恐中朝借時論  
安君莫問雲山  
新書正當門